

2018
3P
部=55

76587

甘肅全省新通志

卷

柒

拾

甘肅新通志卷之七十

忠節

唐魏徵對太宗願爲良臣不願爲忠臣此大臣憂盛危明有味乎言之也若乃一心報國志慮忠純百折不回見危授命乾坤正氣乃見斯人至如遭逢患難行閒力戰捐軀又或城堡被陷罵賊慘遭殺戮事雖不同同歸於正以忠節名之臚列於左

蘭州府

漢馮 忠金城人漢末金城陽成遠殺太守以叛忠赴尸號哭嘔血而死至晉惠帝時張軌爲涼州刺史祭其墓而旌其子孫

晉梁 緯狄道人官散騎常侍漢麟嘉四年秋七月劉曜陷北地進至涇陽曜素聞魯充等賢募生致見賜之酒曰吾得子天下不足定也充曰身爲晉將國家喪敗不敢求生若蒙公恩速死爲幸曜

甘肅新通志

卷七十

人物志 忠節一

一

曰義士也賜之劍令自殺緯亦被害

辛恭靖狄道人隆安中爲河南太守會姚興來寇恭靖固守百餘日以無救而陷被執至長安興欲官之恭靖厲色曰我甯爲國家鬼不爲羌賊臣興怒幽之別室經三年詎守者乃踰垣遁歸於江東安帝嘉之桓元請爲諮議參軍置之朝首

辛 淵字子深狄道人晉刺史怡四世孫仕西涼爲驍騎將軍涼後主歆亦善遇之歆與沮渠蒙遜戰於蓼泉軍敗失馬淵以所乘馬授歆而身死於難遂以義烈見稱西土

北周劉 雄字猛省臨洮金城人少機變慷慨有大志初爲文帝親信後拜中大夫賜姓宇文氏天和中封周昌侯武帝以雄爲河州刺史雄先已爲縣令復有此授鄉里榮之後進爵趙郡公宣政元年突厥寇蘭州雄戰沒贈亳州總管

隋李襲志字仲先狄道人始安郡丞大業末盜起襲志傾私財募三千乘城拒之或勸其據嶺表取百粵效尉陀事襲志曰當相與戮力爲宗社雪恥甯蹈忠以死不逆節以生遂固守凡二年竟爲蕭銑所害

宋高子孺狄道人知蘭州龕谷砦金人略熙州子孺聞副總管劉惟輔尙存固守以待及城陷先刃其家而後死

元祁公哥狄道鄉賢朶只安子襲任臨洮知府兼宣政院都事至正十二年以王事沒於興元

明石 泉狄道人玉之子洪武三十一年襲父指揮職三十二年同都指揮李庸由階州鐵冶壩進征番寇十一月陷陣死之事聞賜祭葬

周 敖河州衛軍家子也正統末聞英宗北狩大哭不食七日而

甘肅新通志

卷七十

人物志 忠節一

二

死子諸生路方讀書別墅聞父死痛哭奔歸以頭觸庭槐亦死鄉人異之聞於州知州某躬臨其喪賻麥四十斛白金一斤路妻方氏勵志守節撫子堂成立後爲知縣

漆 堅渭源人任四川重慶府照磨值蜀賊反領鄉兵力戰而死石 甯狄道人成化初襲指揮職十三年移涼州征洮岷番賊大捷十六年同郡紳士捐修 文廟兩廡鄉賢名宦等祠及祭器樂器二十三年授指揮同知宏治三年復移涼州五年六月剿寇陣亡上遣官致祭

妙 齡河州人由軍功陞本衛正千戶宏治十四年領兵固原等處遇賊戰死贈指揮僉事

姚 震河州衛指揮同知陞遊擊將軍正德辛未調四川征勦流賊力戰陣亡

馮 琦河州衛指揮僉事正德癸酉追剿四川流賊戰死子恩襲職嘉靖元年領軍於洮州遇賊亦戰死

張 瀛字士元蘭州衛左所正千戶性孝友忠實臨事有爲陞指揮僉事正德十二年秋臨鞏參政張禴檄瀛隨征至安定先令軍士入城爲保全計挺身出探遇敵衆寡不敵戰死至剖其腹事聞加指揮使世襲命有司致祭

房 鑑靖虜衛人少孤尙志節通經史死石城之難著書見藝文目錄

朱 輔蘭州衛右所正千戶委守河北安甯堡大敵至斬獲有功俄而勢益衆輔力戰爲流矢所中而死性孝友勤職善撫士卒人共悼惜之事聞贈指揮僉事世襲

何 勳字朝用河州鄉賢何銘之孫本衛指揮同知正德九年征西甯及嘉靖五年征洮州俱有功九年戍甘州賊臨境同百戶孫福力戰陣亡蔣繼勳河州衛指揮使嘉靖十一年領軍甘州遇賊戰死贈都指揮僉事

李光啟字顯之靖虜衛人世襲指揮僉事貌魁梧善騎射以薦擢河州守備晉固原遊擊御下過嚴爲羣小誣罷嘉靖二十九年俺答犯京師搜羅將才起爲神樞營遊擊三十四年二月授宣府參將履任甫月餘寇大至出戰衆寡不敵被執怒罵不屈死之事聞贈都督同知立祠死所廕一子世襲正千戶

褚 鳳蘭州人本衛百戶守一條城嘉靖三十六年賊犯境鳳領兵纔百餘與戰力竭被擒破腹碎尸事聞卹贈如制妻何氏守節撫子成立襲職

張 鵬靖虜人本衛指揮使隆慶元年丙免內侵鵬率家衆禦於

轉嘴山衆寡不敵與衛指揮僉事李文端千戶李得林應襲千戶魏印俱戰死印乃益之五世孫也

于天福靖虜人本衛千戶父現陣亡天福襲職隆慶三年守備李昫以五千騎屬天福禦賊沙金坪戰死

李如玉靖虜人本衛指揮僉事魏承勳印子本衛千戶萬曆十八年火落赤犯洮河如玉從總兵劉承嗣禦之會大雨參將鄧鳳潛與賊通遊擊郭有光擁兵別營不相救應承嗣大敗如玉承勳及遊擊李芳劉子都李國琦何天衢賀守王官等八人戰死事聞俱立祠入祀

呂夢麒靖虜人本衛千戶天啟六年正月寇犯大廟夢麒奮勇當先子和陽見父深入衝陣救援俱戰死時同死者有兵丁楊連柳伯倉張譽高應科岳天強王維科六人

甘肅新通志

卷七十

人物志 忠節一

四

黃河太本降夷也初授千總狀貌魁偉勇略無比屢統領河營兵馬出歸德境搆蕩巢建功績陞甯夏遊擊與套夷戰卸甲中風死盧崇光靖虜人小蘆塘伍卒崇禎七年寇犯邊崇光奮勇爭先身被矢刃寇退創重而死

路 柯靖虜衛人挺身禦寇救匿兄嫂及兒子而已爲賊殺甚慘黃 命河太之子河州營千總明末從參將費邑宰統兵進征四川流賊於五丁峽力戰而死

石崇德字峻吾狄道人早喪父其母張氏殉節死德寄養外家及長襲祖父職陞金鎖關守備有戰功陞固原鎮左營都司會流賊襲隆德崇德從兵備道陸夢龍出兵禦之賊圍陸數日德突出重圍聞陸困賊中復殺入與陸俱戰死奉旨贈副總兵

李承先蘭州衛百戶勇略出衆騎射邁倫天啟間以功陞參將崇

禎未殉節

蔣嘉印蘭州人年弱冠善騎射從督撫剿寇有功題授都司明末李賊壓境嘉印扈肅王出城爲伏莽土回所刦拒敵河澗矢盡被害碎骨層冰中

溫 檉蘭州人肅藩侍書李寇入城夫妻子女八口闔門俱縊死
林培樑蘭郡庠生李寇入城自縊死

朱文美蘭州耆民李寇入城同妻王氏並縊死

張行敏字公孺狄道人舉天啟元年鄉試每歲冬煮粥以濟貧者後官觀城知縣以時事不可爲棄而歸聞甲申之變不食死

王國興靖虜衛人由選貢官壽光縣丞權縣事遭闖賊變殉難死

崇祀壽光名宦祠

李曜龍河州人本衛指揮擢副將崇禎十五年與闖賊戰於襄城

甘肅新通志

卷七十

人物志 忠節一

五

縣陣亡

閻 錫靖虜衛人乾鹽池百戶崇禎十六年李標之亂城破賊縛錫柱上燒鐵烙體大罵不屈死又有民人楊國祥者亦大罵被烙死

傅 榜靖虜衛人李標之亂榜同子崇經持梃逐賊賊退走一賊見後無繼者呼其家返遂殺榜碎尸崇經頭被數刃賊謂已死舍去已而復甦

白 坎靖虜衛人本營把總流寇據會甯坎領兵恢復至青家驛遇賊大戰自辰至未力竭而死事聞卹廕如例

朱光現渭源庠生甲申之難遂閉戶不出及薙髮令下乃仰天而歎者數聲瞑目以沒

國朝劉紹昌字繼美蘭州庠生耽性理書康熙十四年叛黨趙士昇等

犯鞏昌甘肅撫標遊擊董正己以蘭州應賊西甯總兵王進寶率師來討紹昌將出迎爲賊所執不屈死

孟 珏皋蘭人由行伍歷官至固原鎮標守備乾隆十三年從總兵任舉征金川舉陣沒珏亦傷亡 贈都司入祀昭忠祠子宗泗襲廕任贛州衛千總

呂渭師皋蘭人乾隆四年武舉官固原鎮標把總從總兵任舉征金川陣亡子振泰廕七品監生任中衛把總

史可久字永公皋蘭人乾隆十七年武舉官靖遠協標千總訓練有方三十九年從征金川積功擢甯夏鎮標守備腊嶺之戰奮勇先登連殺數賊血戰而亡入祀昭忠祠廕一子衛千總

西甯鎮標守備巫泰陝甘督標千總普仁朱顏威遠營把總馬貴督標經制趙林督標外委石茂兵丁于廷相張連朱得勇牛金得

甘肅新通志

卷七十

人物志 忠節一

六

司有永石得秀馬成忠朱蘭邢懷書王喜成蔡龍徐登閣顏國棟魯斌楊青俱皋蘭人均乾隆三十九年出征金川陣亡

金 綸皋蘭人乾隆四十六年撒拉逆回寇蘭州綸率其弟絢姪守義孫毓彬偕同里王璽張從元馬逢伯張大受周得祿等執梃禦賊俱被害綸以先倡義賊碎其屍毓彬嘗應童子試得祿嘗爲兵後辭退時有染工某不知何許人方登屋矚所染絨褐見賊至取屋上甄擊之斃賊酋衣白者一人餘賊輿尸遁

林永年皋蘭人少勇健撒拉回賊攻西關永年方十五歲欲上城禦賊母禁之不可與賊格鬪死其父庠生廷諶曰兒幼能爲 國致命吾何恨葬之如成人同時秦維華巡守外城遇賊轉鬪不勝大罵死

涼州鎮標都司王宗龍陝甘督標把總惠君遴張廷棟固原提標

把總程錕陝甘督標經制宋廷才張文斌蘭州城守營外委魏永
悅甘州提標外委馬士望陝甘督標兵丁張旺黃福左福劉永得
蘇秉玉段有福張秉成陶殿元李玉張連勳王連瓦連劉元升毛
定國郭元呂廷魁王孟周顏宗師楊隨春劉斌杜朝選裴廷秀尤
茂蔣興周施良李文玉陳晏馬良梗張仁呂扶周陳琦呂士林蘭
州城守營兵丁張旺王希孔張勇杜邦瑞孫頸王錫壽張山顏秉
宣陳政李仕中顏文祿王永伏陳天元俱皋蘭人乾隆四十六年
撒拉之變出征陣亡

李殿元皋蘭人督標千總祖復興亦官千總乾隆四十六年撒拉
回賊攻北城乘雲梯而登不及者僅一二級復興急排女牆仆之
斃十餘人賊始退不敢復上五十七年殿元從征廓爾喀沒於陣
入祀昭忠祠 子雲騎尉世職

甘肅新通志

卷七十

人物志 忠節一

七

甯夏鎮標遊擊吳連甘州提標都司袁璋中衛營都司李懷玉紅
水營守備劉元勳土門堡守備傅世雄甯遠堡守備常萬清甄井
堡守備孔琪神道嶺守備宋顯玉陝甘督標千總丁學詩河州鎮
標千總張如龍肅州鎮標千總馬龍圖陝甘督標把總杜豹顏希
章馬得願林袁秉文王萬林蘭州城守營把總王瑞圖甯夏鎮標
把總何起蛟涼州鎮標把總戴伏康甯寨把總周得勝陝甘督標
經制呂廷貴魏朝奉陳學進葉萬相宋福鞏昌營經制王喜陝甘
督標外委劉士忠王國福涼州鎮標外委張漢馬義望陝甘督標
兵丁張廷臣姚美蔡連秦吉得洪得貴趙伏升楊正伏楊遇春吳
得功徐文彪張得勝劉明得唐文李國華袁魁王義海金希賢蔣
林余正邦李文慈王伏邦米中得李得祿李升陳義傅芝元馬龍
張朝徐林余全忠張奉耿興高文祿陳訓徐萬法黃天伏張得祿

韓榮何德顏天得戴琪方簡李梓李科陳化龍李雄謀米榮張志
張祿趙英賢顧玉張興雲任元魏忠李有得段起祿耶維存杜耀
陳國友高升蕭萬禮王吉忠楊得祿于吉美牟登管張文玉楊得
滿李文舉牟大貴丁文美蔣祥張文李成馬良成杜榮胡伏彭殿
元詹永河張國祿張文成周朝友馬得祿賈榮沈文魁吳國邦許
培珍鮮明邵元陳懷友白國玉董萬春趙得實俞成龍陳喜張天
伏紀得勝趙連升陳國恆張伏友武殿奎王孔甲康得友孫殿奎
王太趙連貴全懷玉楊殿奎安伏得朱得呂良成楊貴楊萬伏李
愷馬芳成楊伏蘇得貴李芝趙永泰曹吉化靳貴周爾勝劉元孫
元寇雲張伏忠陸吉賢王作學陶立章張善魏朝秉李俊劉秉徐
殿元朱朝貴李還趙登科顏秉鉞徐貴李玉陸伏先米泮匡學得
徐兆文楊文兆胡進賢尹國祥鄭文邵俊王大成黃維熙王珍趙

甘肅新通志

卷七十

人物志 忠節一

八

永祥張登魁佟柱耿文顏宗海吳奎林喜春陳大文張友功梁伏
陳一龍丁文召安伏趙虎金自得陸林王殿甲溫茂得丁孝忠陳
學文吳印蘭王進雲汪吉清袁學仁傅國才馬魁周建吉董殿元
張倉丁玉喬安孫秉文張得陳起鳳季得羅有成李萬春孫殿奎
傅國柱國興玉龔潤陳愷劉倉竇茂顏宗懷王明陸生得朱得喜
高文喜陸生伏張錦張成蘇順蔡志祥杜成劉士榮白玉蘇順玉
蘇順得張廷先耿得岳芳劉培堯劉章榮秀謝尙得黃伏魯學楊
曹殿元丁見沈玉孫林張殿成羅守伏丁文念張建雄吳國旺劉
尙堯丁守成王伏達雲丁進才王貴璽沈元蔡得司學師張英王
三玉李祿孫魁黃國伏陸作貴黃殿奎羅三福徐連元李天順王
得林白玉連楊福馬得魯近元沈得李得林呂希大趙國元李懷
印李福溫廷佐郭萬年閻順王鴻有張連王俊張順王連升李榮

馬有良岳登邦蘇得有何廷秀毛成錫胡萬祿王明劉思雲陸魁
魏玉劉有成馬榮馬有伏王登科王起鳳吳連張殿元沈孝岳貴
林牟得印元周斌國匡得邢貴孫相王文敬宋倉有李成徐貴張
祥李懷陽彭文貴張殿奎趙有成鮮大福羅正張信康士彪祁榮
張有伏馬廷功馬奎蔣成功趙國伏楊吉貴孫悅楊志奎馬忠孝
王大才張秀張成唐伏郭仁趙鐸李永明周成白玉貴薛得謝得
春段成志張錦羅琦馬登元楊得馬傑來鳳岐米成彭春林張勇
何清任玉馬成得薛倉林段成溫可順魏俊龔琦鄭朝忠朱得伏
張元烈胡殿奎高升馬有明羅成奎孟梅劉起鳳鮑明得張興何
佩連徐殿元胡建喜張清何喜邊成得閻宗張珍子伏曹林張士
成楊棟年起望魏殿元朱永春周伏友甘永清錢玉杜得田有玉
傅守正吳得劉得孫祿盧文才白士美趙國成王芝佐宋芝義劉

甘肅新通志

卷七十

人物志 忠節一

九

文得謝祥李得伏徐大奎左玉林段連科施得龐文張文美曹懷
朱良元陳得薛廷柱徐陞朱元李璽馬友張得伏楊興春高宗得
聶天伏張得功何國柱金得王兆吉吳士林金學義秦維鬻牟得
王得奎楊得友靳奎張鑑金喜貴蘇貴張友袁喜梅金伏楊登雲
郭升周得伏戴元張得玉陳殿元張貴成趙吉唐明魏明得張殿
功侯玉貴郎國倉蔡俊滕升蘇學詩楊玉辛守中劉應才陶建升
宋玉魁馬朝馬貴王允邦韓元志蔡守仁劉萬年張得李生雲杜
正宣伏壽王起俊陳保陳爾華賈明王貴劉瀚學陳祥王庫趙保
范爾明馬得功寇成得唐杰黃元枝王秀楊玉李浩劉彪張鳳鳴
何萬清傅文學張廷玉魏伏梁得伏來得杜生保楊吉學李興甲
李忠侯華林柴印樑羅華武殿元石天順李生得傅文彩王奇鳳
馬功伏王得玉鄧梅王中文王金玉郝奇華侯天祥李文王同文

陳德伏陳伏王萬奎李廷伏顧大志高成伏杜建德馬勇王得伏
段起化王進忠郝成來王王有林陳貴談尙喜蘇明梁福杜方馮
中仁王孔得張全貴金祥蔡廷伏張伏升李得培徐朝伏謝殿祿
趙殿元高進忠丁武魁杜得毛應得徐得伏趙建學馬良貴馬功
喜黃一得葉生貴靳玉高得王魁李國詩卞魁張光友張相邊漢
伏陸連金萬得楊發雲王浩成張林劉應奎李文玉閻學仁王登
甲雷中倉杜見成吳國才段玉王元馬如海方興柱周鼇于騰鳳
張保丁文年俱皋蘭人嘉慶元年出征川陝楚教匪陣亡
劉廷佐皋蘭人乾隆五十四年武舉官蘭州城守營千總嘉慶六
年從征川楚教匪力戰受重傷留石泉縣養病會賊圍石泉廷佐
聞攻戰聲奮然起曰大丈夫安能臥死牀上哉遂登陣與官兵共
守不數日傷發遂沒石泉人壯而悲之

甘肅新通志

卷七十

人物志 忠節一

十

李文斌皋蘭人初出行伍從征廓爾喀補苦水營把總嘉慶四年
從征川楚積功擢靖遠衛千總後以力戰重傷卒

兵丁陳魁張廷桂俱皋蘭人道光二年出征西甯野番陣亡

濟木薩守備宋華廷綏鎮標千總楊烈大通營千總史可友河州
鎮標把總黃奎靈州營經制王祥北川營外委冉成績兵書候銓
未入流蔣成基俱皋蘭人道光六年出征回疆張噶爾陣亡

顏履敬字心齋皋蘭人道光二十年進士以知縣分發浙江時英
人犯順金華副將朱貴率甘軍二千迎剿履敬自請運餉至慈谿
遇賊貴軍於大寶山履敬屯村廟相距五里貴屢戰屢敗或勸履
敬避之不應徑赴貴營貴戰死履敬斃於礮同時下馬關守備陳
芝蘭從貴力戰亦中礮陣亡不得其屍事 上聞並予雲騎尉世

職入祀昭忠祠

永昌營千總王榮陝甘督標把總邱法德督標外委陳均督標兵
丁周兆伏楊喜白升魏祿李鵬張伏馬得功顏正魁高鳳龍王鳳
翔陳國忠趙禮馬玉伯劉建毛判林達成朱俊馬國興管正魁馬
元邱大鵬馬才張得浩石生堯傅文魁馬祥楊連泰馬萬榮王自
敬談一魁薛榮楊化林林伏顧珍張國玉黃榮楊大謀馬玉徐明
李廷蘭劉進銓李得貴焦國棟楊吉得趙映連龔進保張興傑陸
國秀何芳陸芳春潘興漢陳連科楊得元倪貴傅生連朱文德岳
得魁姚永瑞張秀邵良瑚王棟隨營兵丁羅士俊張得喜沈得伏
張秀羅廷安永福馬明鵬楊化熊白文士李伏珍俱皋蘭人道光
二十一年出征英人陣亡

西安城守協都司呂松年陝甘督標都司韓魁督標經制溫魁督
標兵丁黃正甲方鳳來王耀蘇正朝楊吉韓銘段建英段建元段

甘肅新通志

卷七十

人物志 忠節一

十一

建業郭榮王福貴王喜貴蘭州城守營兵丁蘇林史有方永福楊
珍楊萬齡劉傑莫喜趙良謀張兆勳竇陞劉占魁史銘黃珍翟深
張登元張延春周萬明楊福蔣永魁馬文魁吉懷孝平羅營千總
高永福督標兵丁陳相鼎俱皋蘭人咸豐三年出征髮逆陣亡
薛瑞麟皋蘭人署大通營遊擊薛貴之子侍父任所黑番出掠貴
率兵往禦馬蹶中槍而踣賊乘勢用矛來刺瑞麟以身翼蔽力戰
死貴得免總督林則徐以其事 聞奉 旨薛瑞麟身非職官本
無剿賊之責乃能助父打仗奮不顧身尤屬可嘉可憫著加恩照
千總例賜卹

范汝英皋蘭人道光二年武舉勇力絕倫累官金鎖關都司髮逆
林鳳祥李開芳等北犯汝英率漢南兵千人隨科爾沁親王僧格
林沁擊賊於臨清高唐連破之賊據連鎮圍攻三閱月犁其巢鳳

祥開芳俱就擒餘黨殲焉時江北大股賊圍揚州汝英奉檄至軍
屢敗賊有功旣而長圍失守諸營俱潰賊麇集三汊河汝英以所
部千人力扼費家橋縱橫血戰殺賊無算俄中礮墜馬沒於陣一
軍盡覆汝英屍竟不可得其馬及所著半臂血蹟模糊刀痕如
刻劃然事 聞予雲騎尉世職汝英姪玉秀隸陝甘督標從征髮
逆積功至儘先守備後攻揚州帶子溝戰死亦蒙 優卹

王兆魁皋蘭人材武知兵入伍隸陝甘督標累立戰功咸豐三年
粵逆據江南省城琦善視師江北調陝甘督標兵從征兆魁至則
攻揚州攻儀徵攻江浦六合及瓜州三汊河等處皆力戰有功累
晉都司四年十二月晦副將馬永泰率兆魁等攻賊於揚州之帶
子溝兆魁謂晦日出師已犯兵家之忌且港汊縱橫賊必有伏請
探明而後進不聽促令急行連踰兩溝果中伏橋斷全軍盡沒兆
魁力殺十餘賊而死先是兆魁兄兆麟亦以督標千總從征積功
至守備加都司銜隨甘肅提督雙來攻揚州戰死城下至是兆魁
復死一門雙忠並蒙 優卹

甘肅新通志

卷七十

人物志 忠節一

三

姜魁元皋蘭人松山營守備咸豐四年從征揚州髮逆十二月晦
日攻帶子溝力戰陣亡 子雲騎尉世職長子夢蘭襲職後署肅
州城守營都司同治四年逆回陷肅城巷戰死父子俱以忠顯時
論美之

靜甯營都司馬萬圖蘭州城守營兵丁魏國善張中科牟殿魁韓
祿劉珍延綬鎮標守備王榮陝西撫標守備王萬朝陝甘督標守
備李祿督標千總劉福貴杜玉林馬建海王大倫王茂桂定遠營
千總張毓桂督標把總張福成劉元功劉天寶楊景秀郭世德孝
義營把總劉占鼈督標經制韓福階州營經制聶長清督標外委

孫貴張漢朱秉義朱章武吳喜督標兵丁袁學誠徐得祿馬建海
王自祿劉耀祖趙喜蔣得魁王希聖韓陞刁文斗宣得勝劉永貴
曹永福徐發溫生發程得寶張賢楊得張鳳琪滕殿元牟祥王守
義楊懷得周成許萬錦牟積禎王永貞王祥顏福徐升牛祿張登
元張福駱應彪梁玉陳泰傅學蘭劉文柏蕭得楊升強魁王文彩
徐殿魁牟錫福彭福禎鄭自賢牟華陳得林陳得孝劉天貴王永
環陳萬貴王立仁劉玉福王萬貴陳建梁世忠吳延慶胡德鄭殿
元趙得福李成喜黃蔚智學有楊世秀張林司義林杜學成紀魁
馬得良楊玉馬志遠王連朱占魁劉萬福張萬中林得喜耿朝晉
王青高炳貴陸生全陳義陳萬春梁貴張延成王倉蘇福梁魁惠
開印俱皋蘭人咸豐四年出征髮逆陣亡

李 琦字子潔皋蘭人官安徽霍山縣典史咸豐五年髮逆陷霍
山琦罵賊不屈死

甘肅新通志

卷七十

人物志 忠節一

三

第五臣字蓋齋皋蘭人官安徽繁昌縣荻港巡檢咸豐六年奉
欽差大臣向榮檄至江南大營供差既而大營爲髮逆攻陷臣力
戰死之事 聞給予雲騎尉世職承襲完時 予恩騎尉世襲罔
替子煜以功保花翎都司

秦兆泰字階平皋蘭人世以武職顯祖忠孝慶成營都司父魁陝
甘督標守備兆泰由行伍累官西甯鎮標遊擊從征髮逆積戰功
擢參將咸豐八年僞英王陳玉成及其黨李有么等率賊衆四十
萬自安慶回救江甯直犯江北大營兆泰與幫辦營務俄博營遊
擊匡國棟營浦口縣之金湯門力戰竟日以衆寡不敵同沒於陣
把總張成功然藥簍自焚死事 聞均優卹如例

楊殿貴皋蘭人有膂力咸豐二年由陝甘督標經制調征江南髮

逆累功擢哈喇庫圖守備七年十二月隨幫辦軍務安徽巡撫翁同書攻克瓜州殺賊過當擢文縣營都司陞遊擊八年七月隨同書赴安徽壽州防剿十年九月金陵逆賊圍壽州殿貴率兵衝擊圍立解十一年三月苗沛霖叛連營逼州城殿貴突圍鏖戰力竭歿於陣

鎮海協營都司李春芳儘先都司王學忠督標千總孔澤督標經制何朝清西安城守協經制王加祿督標兵丁耿錫田袁祿魏懷得楊朝恩朱永福魏魁耿殿魁陳潤新王孝蔡得魁楊棟牟吉祥張得魁桂林楊潤蔡維新屈立鳳魏福鼎楊萬福王殿福陳喜党文魁楊起文馬大成寶建勳耿朝秦朱國望陳萬祿韓潮馬祿趙得貴呂和子春林屈得傳發林曾兆林張義隆俱皋蘭人咸豐八年出征髮逆陣亡

甘肅新通志

卷七十

人物志 忠節一

十四

張凌漢字星槎皋蘭人嗜學通經史入分書尤蒼勁襲雲騎尉世職隸陝甘督標征髮逆歸補平涼營千總署固原提標守備閱兵册見回籍居半慨然曰此心腹患也謀汰之不果同治元年逆回反陷鹽茶廳城明年正月朔回兵啟固原南門引外賊入凌雲率所部漢兵巷戰死妻徐氏子國綱及一女皆死

史 珏字輯五皋蘭人襲恩騎尉世職積功至參將署漢中鎮標遊擊護總兵印同治二年髮逆僞扶王陳德才等圍鎮城珏整隊出戰身中破傷昇歸署喃喃呼殺賊而卒後鎮城陷珏妻朱氏妾趙氏皆殉難

段仿仁字愚山皋蘭人道光元年舉人官平涼縣教諭在任十餘年士林推重就遷府教授以老辭職未及行而回亂作同治二年逆首穆三圍平涼六閱月地雷發城陷仿仁謂妻吳氏曰事急矣

盡自爲計遂朝衣赴 大成殿北向叩頭同教諭王汝揆對縊於
鐘虞下吳氏亦自盡

孔統堯張得士孔昭仁孔昭才皆皋蘭縣西鄉半箇川人衆以其
膽略過人舉爲團總金文學趙萬勝副之王思元金滿正崔志珠
崔萬福豆文章王建元王秉見孔萬魁楊生榮孔萬世楊正理孔
興福陳得懷劉建芳瞿永泰顏法善李進春王舉生李國明王海
生王法普王爾維常法生等爲百長起團勇五千餘人每日訓練
當事委員每月驗操深稱精銳賞給旗幟旌之同治二年十一月
冰橋結凍回賊千餘擾羅家川沿河下寨各團頭率衆迎敵力戰
賊大敗去三年三月十二日賊三千餘向白鴿峴蜂擁來各團頭
設伏四面夾攻賊被血夜遁五月十九日賊大起全營數萬越洮
河來至紅麻嶺二十四廟等處副團趙萬勝金文學與陳得懷周

作文劉建芳瞿永泰楊正理金滿正崔志珠崔萬福李進春楊生
榮率七百餘人禦之力戰不克副團百長及七百餘人俱死之孔
統堯等營噓附哮囉集各團頭舉酒爲盟誓以死戰無何賊自東
來各團頭奮勇督戰二十二日自朝至午殺賊千餘賊少卻忽大
雨滂沱槍礮不發火藥爲遺火所焚賊乘閒力攻張得士身中數
傷自刎死昭才負重傷猶搏戰逾時力竭亦自刎昭仁衣青錢甲
陷入重圍往來衝突殺數十人力竭被執憤罵賊割舌斷手剖腹
刎腸死孔統堯豆文章王建元王秉見孔萬福孔興福俱死之
楊 德皋蘭人由行伍充督標馬兵道光二十年奉派出征浙江
凱旋隨剿洮州黑錯寺及西甯黑城子等處賊咸豐中隨征江南
收復揚州攻剿瓜州戰功益著賞六品軍功進攻三叉河克之拔
補經制外委同治二年升把總署督標千總因城防喫緊派赴尖

子山防堵三年四月賊攻撲營卡德力戰死之事 聞給雲騎尉
世職妻陳氏艱苦備嘗撫子振清成立襲職

陸 陞卽祿江皋蘭人以武童入伍從征撒拉積功至平羅營千
總擢守備署臨洮營都司同治元年十月河州東鄉回反四出焚
劫護總督某遣已革提督某道員某往撫賊佯聽命約赴狄道城
定議實謀襲之總督恩麟信其言攜賊渠數人騎數百叩西門欲
入陞拒弗納俄步賊千餘至賊渠招其黨馳擊斬數十級餘賊去
衆皆喜陞曰詐耳彼族悍甚安有千餘衆交綏卽北者所殺得非
漢民乎遂設伏啟門賊爭入大聲呼殺陞揚旗發伏先入者多死
餘策馬遁擒數賊訊之果僞降欲襲城前所殺皆漢民被脅者也
恩麟大慚明年賊盡破四鄉團勇圍偏州城城回潛納賊三十餘
人皆東鄉巨盜謀爲內應陞乘其未發盡殲之初逆回變時陞與

甘肅新通志

卷七十

人物志 忠節一

六

前知州房廷華合詞上總督請兵不報至是廷華已去任外圍益
急陞及署知州屠旭初刺血書乞援凡十二上廷華始奉檄以黔
勇千人赴救至新營阻賊不得進城被圍百五十餘日食盡援絕
八月二十七日五鼓賊由南門登城陞方守西門急率兵往禦熱
礮擊之前者傷後者復進良久陞右臂中鉛丸不能戰兵潰乃歸
署坐火藥籠上命傳號火之焰起肢體飛入空際隨焰滅兄海官
督標左營守備同治五年三月標兵亂禁之不得乃大罵亂兵數
人跪海前陽詆無糧一人自後斫之仆地死

顏學正皋蘭人以武生充伍從揚威將軍長齡征喀什噶爾補督
標右營外委二十四年赴庫車換防擢把總同治二年派往鞏昌
廠牧馬適回匪竄擾熟羊城一竿旗等處學正抵廠後嚴防守才
斗不絕十一月初七日五鼓賊數百騎從鹽關來四面繞廠爭奪

馬賊中得馬者先奪路走學正分兵以半護馬以半追賊賊見追急棄馬逃一悍賊回馬刺學正矛中胸死而厥馬卒無失事 聞優卹如例

張得仕皋蘭人從九職銜充半箇川團總同治元年河州回反得仕阻河防守冬冰合伐樹置河干潑水令凍以扼賊騎三年五月賊渡洮而北焚噓叶哮囉轉掠川地得仕集隊出戰會暴雨傾盆槍火不然得仕知必敗令川中老弱潛匿身率壯丁與鬪自辰至午力竭而死是役也壯勇死者什二三老弱婦女得脫者什六七鄉里德之

王仲元皋蘭人陝甘督標把總遷西甯鎮屬甘棠堡千總署庫車城守營都司性耿直不阿滋事勤敏同治三年逆回焦煥章等陷庫車城仲元被執釘諸城門而死妻子俱被害

甘肅新通志

卷七十

人物志 忠節一

七

張保鳳皋蘭人同治三年五月二十五日河州逆回由馬家灣擁至峽口保鳳遣人送眷屬渡口以母病危獨留侍母賊焚其居保鳳侍立不去賊退衆滅火去執石鳥保鳳覆母身體皆焦同時姚永泰聞賊至棄其妻子與弟永寬永信永敏永惠負母避難中途遇賊俱被害

徐石福皋蘭人避難陳官營有膂力同治三年五月二十日隨團總陳得誠擊賊南山手刃悍黨數十人勇氣彌厲適踏石塊墮坎下賊亂刃叢刺曳腸出支解之懸其首於樹同時死者二十餘人米殿策皋蘭回籍武生官涼州鎮標遊擊同治四年正月涼州東關逆回作亂城回馬中應之脅殿策同叛殿策不從遂率妻馬氏弟鎮標把總殿清兩子兩婿一女三姪並族人長幼四十餘口闔門自焚死

邱文孝皋蘭監生同治四年遊回犯東鄉上伍營文孝年十七奉父登山避難賊追已近父子哭泣不忍離賊至先刺其父文孝以刀護之並被戕

邵繩祖字續侯皋蘭人幼有至性九歲喪父哀毀如成人道光二十六年舉於鄉咸豐四年選肅州學正同治三年新疆淪陷肅州近嘉峪關繩祖奉檄司保甲詰奸回之謀變者密啟安肅道恆齡捕誅之四年四月二十四日回族獵戶叛破嘉峪關戕巡檢徑襲州城城回應之次日戌刻城陷繩祖時守西門聞恆齡暨前總兵德祥等皆戰死亟歸署呼其妻巫氏偕死巫聞命與妾楊氏女桂蔭及幼子入一室爇火自焚繩祖衣朝服自經於 大成殿長子某逸出不知所終

趙殿甲字鼎臣皋蘭人道光二十三年武舉補肅州鎮標千總權

甘肅新通志

卷七十

人物志 忠節一

六

赤金堡都司咸豐間從征湖北四川等省歸擢本鎮中營守備同治四年遊回陷嘉峪關襲州城城中回叛總兵陳踰城遁前任總兵德祥戰死賊併方攻殿甲所部五百人鬪死略盡遂沒於陣殿甲事諸兄惟謹所得廉俸悉分潤無吝色性嗜學藏書數百種往往有宿儒世家所未見者

魯剛泰皋蘭人咸豐二年武舉從征西甯野番揚州髮逆累立戰功官至甘州城守營守備署高臺營都司同治四年陝回竄中衛剛泰駐防勝金關屢挫賊鋒已而賊數萬大至剛泰奮身血戰寡寡不敵沒於陣

顏天熙皋蘭北鄉農民幼讀書粗知禮義同治四年五月紅圈回反天熙隨團勇禦之不克負其母而逃中途遇賊並被害

趙雲龍字從之皋蘭廩生同治初河狄遊回擾皋蘭縣境雲龍約

金縣貢生張鵬舉等設局團練偵賊所向而擊之四年五月雲龍率勇敗賊於黑茨溝又敗之於白土窰安家墩十二月賊大股薄甘草店圍衆驚潰雲龍沒於陣子克明後亦殉難

呂恆齡皋蘭人官紅水營守備同治四年五月賊攻破堡恆齡陣亡

韓永春字旭齋皋蘭廩生同治四年十二月逆回掠韓家嘴居民相率避賊永春從容具衣冠拜祖父木主畢端坐俟之賊既至與子樹桂從弟庠生兆甲文輝並被戕

魏克承皋蘭人四川候補知州歷署射洪江油鹽源等縣事循聲卓著去任時民多攀留既歸田里值同治四年回亂克承統帶團勇五六百人保護金川一帶後河回大至約三四千人以衆寡不敵被獲賊以沸油灌其口而死子建勳貢生歷官高臺平番武威

甘肅新通志

卷七十

人物志 忠節一

九

等縣學官

張重義皋蘭人平居樂善好義咸豐閒常捐糧石濟鄉里之飢者同治四年七月被賊執去行至祖墳罵賊見殺

李挺翰字墨庵皋蘭人貢生候選訓導同治五年逆首楊文治率大隊擁至挺翰同姪貢生世璋被執賊知其素封逮繫庭楹厝薪廊下作焚室狀以懼之挺翰厲聲曰財物不以資賊世璋亦喃喃與賊爭賊刃之挺翰見姪被戕罵益厲賊舉火焚室挺翰死烈焰中時年六十有九事 聞議卹如例

王永慶皋蘭人世襲雲騎尉累官遊擊署俄博營篆同治五年陝回楊文治等竄至俄博晝夜攻城永慶率兵民固守屢卻賊鋒賊憤甚掘地道實火藥轟之城陷永慶巷戰死兵民殲焉事 聞予騎都尉世職

顧彥廉皋蘭人同治五年逆回至北鄉與父學剛并被執賊章學剛出將殺之彥廉抱父涕泣求以身代賊黨有憐之者請其渠並釋之不可殺學剛脫彥廉使逸彥廉號守父屍賊退瘞之絕粒死陳蔚如字豹雲皋蘭廩生西柳溝團總同治五年三月河州回大至副團總柳尙榮率團丁百餘與戰敗沒蔚如退駐河中小灘相持兩時許勢不支舉襟覆首投河死妻楊氏子自新自明自來自鏡從丁數十人皆溺焉是月賊蹂躪西鄉殆遍戕人民無數

彭萬棟鍾文淵廖成章王心一俱皋蘭庠生萬棟避崖洞中賊掘洞欲穿遂出鬪與弟萬楹子爾聰爾睿爾悟及三孫俱被殺文淵立堡牆指揮勇丁擊賊中槍丸死成章以理論賊不聽大罵死姪庠生朝俊並遇害心一危坐待賊賊至大罵首中矛傷越三日死張廷桂字月橋皋蘭人少孤貧與母曾氏弟廷德廷榮以炊餼爲

甘肅新通志

卷七十

人物志 忠節一

三

業長善居積家小康母氏節亦獲 旌回亂旣作築堡紅圍灣奉母及兩弟以居同治五年八月逆首楊文治等糾黨攻堡堡衆欲潰廷桂命廷榮負母與廷德同逃會賊阨險不得過廷桂挺身往鬪賊稍卻廷榮等乃得去翼日堡陷廷桂死之

魏富通皋蘭人善拳技同治五年賊由北山擾泥灣富通率衆禦之舉矛一揮賊矛皆格磔落地赤手狂奔追過山坡坡上民擲石擊賊誤中富通耳聾而厥賊返戕之

馮法漢皋蘭人生有膽略同治初逆回亂作築寨東鄉駱駝巷行旅避賊者皆賴焉五年三月河狄賊圍寨法漢率衆衝擊殺百餘人賊敗去夜復來攻法漢中槍死寨亦陷

鄒承年皋蘭人同治五年四月率丁壯二十餘夜襲賊卡陷賊中死

王中謙皋蘭人同治五年九月回賊奄至中謙見其父潤章被圍與里人崔文述併力往救皆中槍死十一月賊擾一條城居民李玉佩被戕其子思寬思敏思惠憤欲報仇衝入賊隊皆死秦兆祥字雲卿兆泰從弟父湧紅城營守備兆祥由行伍補會甯營千總署安定營守備同治二年安定回亂剿賊馬家堡逆首馬恆輔糾黨迎戰設伏大敗之進犁其巢恆輔授首河狄賊圍內關營兆祥往援腰中矛傷猶裹創力戰賊遁去又平南路土匪擒匪首沈麻子積功保都司六年四月四日河狄賊復乘夜襲縣城時提督李助發率楚勇十二營駐防不設備賊梯而登兆祥與把總孫光英及部兵數十人俱戰死妻汪氏抱守備印攜幼子赴井死兆祥弟承恩陝甘督標經制歷保都司隨烏魯木齊提督成祿西征軍於高臺同治五年充摺弁赴京行至至口驛遇賊被害

甘肅新通志

卷七十

人物志 忠節一

三

劉春生皋蘭人冰溝堡把總吉慶之子同治六年逆回犯省城春生負母居氏逃難路遇賊母子並被害

張萬選字佩青皋蘭廩生同治六年八月河狄回奄至語其兄延灃曰在國盡忠在家盡義我等同死可耳勿辱先人遂極口大罵賊剖其頰至顛叢刺徧身而死延灃亦遇害

李守智皋蘭人同治六年八月十六日河州賊閔殿成率黨犯省垣直逼城下焚五泉山及東關外民屋署總督穆圖善率營勇出擊不敵退入城難民踵至通遠門者以千計守智約眾登屋揭瓦擊賊一賊擲大石中守智首血溢眾半驚潰守智裂巾裹首揮擊如故眾復集無何一飛石中骹仍裹創出忽鎗丸中小腹殞時守智兄守禮亦隨眾擊賊被傷慟弟陣亡號泣不食死事 聞議卹如例

劉汝達字康衢皋蘭人同治六年八月十六日河州賊犯省垣至皋蘭山頂往來窺探汝達率丁壯數十人從山麓蟻附而上與賊戰不敵丁壯紛紛墜崖下賊執汝達曳赴各鄉指害藏汝達不允賊繫之梁上備極箠楚死其父耀祖伯述祖及團長監生袁思祖見汝達被執均罵賊遇害

段維義字晉乾皋蘭南園人同治六年八月十六日河逆犯省垣維義負親入城又督民團與賊戰於五泉之麓不勝團潰維義中刃傷躍入水賊連刺之死寇退家人索之至紅泥溝見屍屹立怒視勃勃有生氣維義叔育仁新仁堂弟維垣子遐齡等均被戕事聞議卹如例

呂松堯皋蘭人以材勇隸督標官守備同治六年八月十六日河州逆回闕殿成分股襲省垣一由皋蘭山麓至南園一踞東川圖

甘肅新通志

卷七十

人物志 忠節一

三

辜官軍署總督穆圖善帶安字營出城巡視猝與賊遇勇潰穆圖善急退賊悉銳乘其後松堯勒馬橫矛翼衛之遂陷圍中力戰死城遂閉賊不得入賴松堯截戰力也松堯貌清癯待士卒有恩死之日營兵皆哭祭事 聞優卹如例

顏學德皋蘭馬泉溝人同治七年七月回賊四十餘猝入門執其父去學德持挺追之擊斃賊目二奪其父回見父身有血痕憤而復往力鬪死

閻玉堂字壽山皋蘭歲貢生同治五年逆回陷寬溝城難民避入玉堂堡倚玉堂爲長城堡中素少積儲歲又祿無所得食玉堂募人赴蒙古等處購糧全濟頗多軍威亦振寬溝克復玉堂與有力焉既復寬城縣丞郭世傑奉檄設局招勇以玉堂爲眾所推服檄總其事七年回匪又薄寬溝玉堂拒守力不能支遂再陷被執不

屈賊怒殺之

王正心字誠齋皋蘭人同治五年赴秦州勦理權務七年四月往甘泉寺二十日黎明鹽固騎賊千餘擁至正心被執有自賊中逸出者言正心被賊刑求財物酷楚至死猶罵不絕口時年六十有四

董大仁皋蘭人生有勇力同治八年正月逆回擾黑石川大仁糾各莊團勇擊之賊敗遁追至羊腸溝首先陷陣斬四十餘級俄躡於石而踣賊叢刺死

趙希梁皋蘭人嫻拳勇同治八年七月賊騎突入境掠牛馬數十頭希梁約其徒持械追之至半途賊棄牛馬反鬪希梁與王吉元歐萬全李六子李更子等奮擊馘十餘級力竭死焉衆勇乘閒由別路奪牛馬歸八月馬國吏馬守璋伺南山賊掠牲畜集鄉民孫

甘肅新通志

卷七十

人物志 忠節一

三

虎兒孫鼠年等追擊於大坡國吏奮勇陷陣與守璋虎兒鼠年同戰沒

廖登明皋蘭人西古城團總同治九年正月九日河州賊夜襲登城登明率子寶善寶賢寶琳及團長王履泰百長王連儒等禦之寶賢然礮傷右臂恐登明失利裹創赴救父子同死寶琳受重傷越日亦卒履泰在南城連儒在北城俱戰沒履泰兄履德見弟被戕抱屍大慟賊亦殺之

王自強皋蘭寬溝單墩莊人從九職銜同治五年十月逆回陷寬溝城自強與張儒魁王法德焦文秀劉文昇率團勇夜襲之分隊設伏賊倉卒拒戰不勝棄城遁爲伏勇所邀殺二百餘人遂克寬城儒魁法德殞於礮文秀文昇亦重傷九年正月賊乘夜襲單墩莊已登堡適自強巡徼揮刀直前大呼殺賊文秀文昇聞警與焦

月中張元林皆率勇來助鏖戰逾時賊敗竄堡得不陷文秀文昇月中元林陣亡自強身受數十傷逾月而死

劉萬最皋蘭人有膽略同治九年經紀官車局十二月運官糧至古浪之士門子賊劫車輛萬最喝眾擊之斃悍逆多名鎗中萬最小腹死之

陳得虎皋蘭人同治十年五月率四十餘人護農民穫被賊執不屈死

白成傑皋蘭人充督署戈什補前營把總同治十年東道梗塞五月署總督穆圖善拜章疏以成傑習鞍馬令負摺由閒道馳賫初七日午後副將趙謙士偵賊夥出蔡家溝乃自金家崖率勁勇數百往擊之賊大潰越山走成傑匹馬行萬山中適與賊遇馬蹶不能進賊追及搜得黃綳封知為公役被刃死

甘肅新通志

卷七十

人物志 忠節一

三

秦兆勝皋蘭人隸城守營善放開花彈光緒二十一年河州回變從軍至方城子為賊所獲逼令演放礮彈兆勝不可賊燒鐵烙之至死

楊應藻皋蘭庠生回亂率眾禦賊於唵咿啞囉之金花廟手刃數賊賊以矛刺之而死

生員方居中紅水人天資明敏同治四年回亂居中持劍擊賊賊怒分碎肢體

鄭廷芝紅水人同治四年賊攻山砦廷芝持長矛奮擊不敵同妻劉氏俱被殺

雷翼字振德紅水人同治四年賊圍攻堡城月餘翼率眾力守後堡陷全家殉難時年七十四

劉錫爵紅水人充團總讀書明大義同治四年賊攻城錫爵同白

崇德張心一宋寶儒等擊賊同被殺副團長劉邁向方遇中劉企向楊友檀彭起家楊友柏王有輔同陣亡陳繼統曾懷玠劉法向江大順王有佐等因戰受傷相繼亡

軍功吳國忠紅水人有膽略光緒二十一年回亂隨總兵劉璞遇賊海石灣奮勇殺賊以眾寡不敵陣亡妻苟氏守節撫孤忠節萃於一門

滕躍龍金縣人道光辛卯武舉壬辰進士官廣東提標中營守備三十年髮逆變粵督某派幫辦軍務咸豐元年隨副將趙某往高廉剿遊匪六月隨總兵楊某在懷鄉坪禦賊力戰陣亡事聞給雲騎尉世襲罔替

張淮清字桐山金縣人咸豐辛亥武舉壬子進士歷署鎮靖堡都司耀州金鎮營都司神木營中軍守備同治元年帶領延綏榆林兵堵陝回防守三原備虞涇陽是年十二月涇陽城陷淮清巷戰死入祀涇陽忠節祠

甘肅新通志

卷七十

人物志 忠節一

三

劉鏞字鈍齋金縣人道光甲辰舉於鄉癸丑大挑教職精象緯選授岷州學正咸豐十年六月彗星見鏞言陝甘兵當起明年同治建元陝西回亂果如鏞言三年四月州回反鏞乃集團選丁教之戰六月以千二百人進營瓦節里知州申典常督糧運都司鄔連登統汎兵暨番部七百為鏞援鄔惟怯不敢進鏞以孤軍深入苦戰歷三時斃賊百餘中槍猶手刃數賊乃死年五十有三團丁從死者二百人團總陳俊亦戰歿前夕有星殞於行營越宿果敗紅崖堡包奠邦等率壯士覓獲鏞屍昇歸具衣衾葬之婦孺皆聚哭賊嘗夜犯堡守者臥輒聞鏞傳呼聲乃起或賊併力急攻礮反炸燬其首頻至皆然賊相戒勿犯紅崖堡得以全事聞優卹如

例

楊增全金縣人充團總嘗糾眾要賊歸路奪所劫財物賊切齒恨同治五年秋大熟村民方獲適賊至增全率壯勇數百人四出堵擊賊屯馬家嘴增全率眾往禦賊敗遁越日賊掩至增全尙臥聞聲卽披衣出被執繫馬尾曳之死村人傷亡過半

金三濂金縣人入伍以功歷保千總同治七年八月在安西四道溝剿賊力戰陣亡事 聞給雲騎尉世職

李文偉狄道庠生順治四年逆回米喇印反文偉戰歿事 聞給雲騎尉世職

劉朝剛狄道人官把總康熙五十七年出征西藏陣亡嘉慶十年補請給廕

裴永福狄道人嘉慶三年在陝西洋縣剿匪陣亡 給雲騎尉世

甘肅新通志

卷七十

人物志 忠節一

三

職

陳隆章狄道人入伍歷保都司嘉慶三年在四川儀隴開縣等處剿匪陣亡 給雲騎尉世職

張 珩狄道人道光元年武舉官肅州鎮標左營把總十年奉派

進征喀什噶爾力戰陣亡事 聞給雲騎尉世職子元忠承襲署

臨洮營把總旋卒次子鼎雄承襲歷官肅州保安等營都司西甯

右營巴燕戎格等營遊擊卒於官

何象賢狄道人入伍以功保外委咸豐間奉調湖北與賊戰於武

昌陣亡事 聞給雲騎尉世職

王國德狄道人以功擢經制回亂奉派巡防管西南城礮臺同治

二年八月賊從東南角登城守陴團民均越城逃國德率南城兵

往禦左手中槍猶負痛熱礮轟斃悍逆多名未幾四面圍攻刀矛

叢集力戰死國德嫂張氏姪克家姪媳朱氏魏氏及幼女俱投井死事 聞旌卹如例

張葆齡字心潭狄道人咸豐壬子舉人同治二年選碾伯縣訓導未赴任回亂與都司陸陞練勇保護州城八月二十七日賊陷南城文武官皆戰死城勇潰葆齡猶率眾巷戰不支馳入本宅同其母張氏庶母鄭氏嫂章氏妻李氏子守廉守勤守恆弟松齡鶴齡昌齡伯齡修齡長齡弟妻姜氏雍氏姪守愚守貞守慤守拙守信守銘守基共二十一人登樓闔門同焚死先是其叔廷璧廷珍廷璽均在南鄉清水渠遇害其叔母溫氏許氏皆以身殉

姜封齊字虞山狄道人廩生性孝友母患目疾朝夕吮之目復明父政官山丹教諭封齊在家侍祖母同治二年回賊攻城封齊督團出擊至八月二十七日城陷封齊匿其祖母及幼子於複壁率

甘肅新通志

卷七十

人物志 忠節一

毛

族人巷戰自辰至酉其伯叔焯虔救救登義等十三人堂弟統齊祖齊撫齊等十一人皆戰死封齊挺刃衝擊槍中右臂被執賊鬻割之同時婦女被害者封齊叔母吳氏魏氏等六人妻史氏子雙瑄及族中四十餘人後封齊舊僕某乘夜負其祖母逃南鄉逾年以壽終事 聞建坊立祠給雲騎尉世職

高冲霄字斗南狄道人咸豐辛酉拔貢同治壬戌順天鄉試舉人二年回亂其兄騰霄被害冲霄率親屬子弟十餘人赴賊中且罵且戰立斃二賊以眾寡不敵陣亡從死者數人越日殮其屍矛傷徧體齒齧欲裂冲霄父母與其妻嫂均撲崖死事 聞旌卹如例 張維域字正卿狄道人咸豐元年 制科回亂奉州牧某命往會城乞援時會城亦戒嚴不暇外顧維域回州城一意團練後城陷力戰死妾劉氏子自耀拴五同殉難

王鏡清狄道武生同子廷柱廷榮廷蔚巡防南城城陷率眾戰關多時均被害幼子廷楠廷樸孫文炳媳張氏李氏孫媳李氏皆撲火死

王重儒字子鴻狄道庠生事母至孝同治二年八月回賊陷城重儒令全家投井死率三子閉莊門以木石壅之同登屋頂賊至父子以互擊之應手而倒死者無數俄賊大股至焚其門父子退賊乘之上亂刺死

劉寶書狄道 恩貢生督辦西城防務城陷被賊支解死其妻黃氏撲火死

劉 煊狄道歲貢生城陷被獲罵賊死

趙家全狄道人精拳勇同治二年逆回攻堡家全率團勇出戰屢敗賊鋒後悍賊千餘夜集其堡天未明來攻家全急整隊出禦自

甘肅新通志

卷七十

人物志 忠節一

三

辰至午團勇潰家全戰死從死者甚眾

增生李成理庠生王黼清俱狄道人賊至成理持挺拒於門外後賊來愈眾遂遇害黼清同弟廩生鑑辦理團防城陷皆被執黼清繩縛曳斃鑑痛罵賊鬻割之

黃應燾狄道武生回亂辦理團防每戰輒殿後一日遇賊伏戰死其弟監生應焯於賊初起時遇於南壇死之其兄直隸建昌營巡檢應燿城陷日在本宅門首罵賊被戕

孫佩玉狄道監生安化縣教諭尹騏之子逆回圍城佩玉奉官諭搜除城內逆回執長矛刺殺多賊歸來頭血淋漓猶對眾詳述殺賊狀有言君被重創者一去巾遂昏迷不知昇歸甫二日仍登陣巡守及城陷跪稟其母更衣拜先祖木主後闔門自焚

張際秦狄道增生辦理城防後城陷在城頭與賊鏖戰受傷數處

戰益力旋因矛頭折落回家持長斧復出巷戰力盡被執罵不絕口賊恨甚寸磔其屍

趙效忠狄道廩生幼時卽有孝子之稱旣長事親愈謹設帳授徒回亂城圍三匝尤講學不輟城陷後集家人於庭男左女右分縊兩楹

許叶庚歲貢生牛蘊麒廩生俱狄道人叶庚辦理城防城陷督團決戰力竭死之蘊麒被執賊逼降不從遇害

何廷簡狄道人道光丁酉拔貢回亂廷簡具衣冠攜幼孫往見逆酋曉以大義往復千言聲色俱厲同遇害

廖培午狄道人從九品回亂勦賊沒於陣妻張氏聞耗絕粒七日泣血身殞後城陷母李氏與其子啟基昌基俱撲火死

劉佩環狄道人咸豐時武舉有膽略賊起時管帶忠義團勇守城

甘肅新通志

卷七十

人物志 忠節一

三

後城陷同其子苾薰在城頭戰死

董世貞狄道增生賊猝至遂抱其先祖木主痛罵賊賊恨斷其十指其子曜哈往護同時遇害

李玉節狄道歲貢生賊圍城時臥病於牀城破力疾負母詣宗祠同妻王氏子耀瀛媳王氏仰藥死

趙世清狄道庠生城陷具衣冠焚香拜祖旋積薪庭中與妻何氏先自焚家中婦女悉隨之其弟庠生印庚與賊戰力竭死

陳尙賢狄道人仗義疏財回亂出貲辦團練令其次子歲貢漢攜犒賞向洮州土官求援未至城陷尙賢自焚同死者妻田氏妾史

氏長媳董氏孫世椿孫媳李氏次子媳祁氏孫聯步孫女廣蘭三子媳邢氏姪淋漣泗沅沅姪媳朱氏楊氏姪孫世興祥桂姪孫媳胡氏共二十人

王 擴字克之狄道歲貢生城陷視其家人赴義訖方衣冠祭祖賊忽掩入遂被殺

桑培春字植堂狄道庠生回亂巡防東城賊忽奪南城入培春陷陣身死

薛鳳鳴狄道武生居南鄉宗丹溝好義輕財州城被圍援久絕鳳鳴招集獵戶壯丁疊爲援應擒斬頗多迨城陷猶廣爲招募圖恢復適賊南下圍攻宗丹鳳鳴血戰陣亡賊支解之

張維輝狄道人平時急公好義回亂籌辦團練屢挫賊鋒後城陷率其子附生自鑄姪增生自銘武生自錢與賊力戰死妻王氏媳張氏孫全兒均投井死

李嗣沅狄道人回亂總理城防南城陷率衆巷戰力竭與其子保祥俱陣亡

甘肅新通志

卷七十

人物志 忠節一

三

馬駿烈狄道增生回亂人皆逃避駿烈衣冠立村門罵賊賊怒殺之後數日人見其雙目圓睜顏色如生

李景昉狄道人平涼府教授培錢之子舉咸豐元年 制科回亂與弟景揆巡防東城城陷均死之其母魏氏聞信率媳陸氏等八人投門前池水死

王裕琳狄道人與其兄佩琳子炳烈姪聚奎均入邑庠回亂辦理南城防務兄弟子姪輪流巡視毋晷刻停城陷均被執遇害

趙琴一歲貢生陳禹疇廩生俱狄道人回亂同辦西城防務後城陷俱死之

王寅清狄道歲貢生回亂與其兄鏡清辦理西南城防同子弟率衆巡防後城陷與其子廷樞廷槩及兄之諸子均在城頭陣亡

張卓榮狄道增生有謀略回亂守城謀除城內通賊逆回賊益恨

之後城陷被執支解死

張斗南張進榮俱狄道庠生同治二年回叛多迫脅漢民入其教以耕牛二頭紅布二疋獻納賊酋時河西一帶居民多被脅從有以隨教勸斗南進榮者二人厲色絕之遂同遇害同里任福忠亦遇賊父子同被殺

藍 銳狄道武生有膽力矢石無虛發同治回亂招民團七百人保護石墩難民數萬賊相戒勿犯飛石手二年三月賊攻石墩生擒賊目謝乙得勒四由是名益著五月州城被圍急率團五百來援及城陷與文生張錫齡謀縋城出衝潰圍同赴南屏山招義勇千餘謀復仇賊迎擊之銳首先陷陣立斬悍賊馬瞎虎奪旗一竿酣戰四時殺賊數十馬中槍倒步行殺賊七人賊衆攢刺力竭陣亡

甘肅新通志

卷七十

人物志 忠節一

三

常 度字敬侯狄道廩生回亂與藍銳同辦團練保護石墩難民二年城陷率勇攻鹿麻草灘克之其後迎擊官堡賊被攢刺死趙鯁臣狄道庠生同治回亂守父柩不忍去賊至哀其孝使作書記痛罵被殺

王海瀾字術觀狄道庠生性孝友居父喪廬墓三年不茹葷酒事繼母以孝聞同治二年賊至母子同時遇害著書見藝文目錄張希顏字愚農狄道人城陷被戕時年九十二子映福映兆亦被害孫克睿逃出知州潘效蘇贈聯云百歲殉孤城烈士暮年心未已兩宗綿一綫善人有後澤彌長

劉啟華狄道人逆回陷城同妻留氏長子楨投井死次子增生縛伏井痛哭莫知所從旋聞賊至卽掩井而逃後賊平樽旋里就井爲巨冢以憑拜埽至今尙存

張毓遵狄道歲貢生讀書識大義城陷率其妻劉氏妾王氏長媳
袁氏次子錫蕃媳彭氏三子散哥媳趙氏孫兆延闔門自焚

蕭樹森狄道廩生事父孝同治回亂樹森巡查東城後城陷率眾
用車輛塞十字樓街口以斷賊馳登民房用瓦亂擊殺賊無算賊
至愈眾勢不支遂與其父同時遇害妻趙氏兄朶有嫂劉氏見鬪
狀先各自戕

袁 潤狄道人同治回亂年已七十手不攜杖盡驅諸子守城後
城陷衣冠坐於庭賊至痛罵遂遇害家中殉難者繼妻劉氏子媳
樊氏次子協堯弟勳妻張氏堂弟蔚泰龍劉家保來龍堂姪登甲
登名登第登倉黃茂姪媳張氏劉氏陳氏姪孫樹雲經佳共二十
一人子維安由臨洮營餘丁派防張家川被戕長子金西與其姪
登輔裏創逃出

甘肅新通志

卷七十

人物志 忠節一

三

李友仁狄道歲貢生城陷具衣冠焚香拜祖賊入室逼脅不從被
戕妻趙氏子景筱媳蕭氏皆自縊

王裕杰狄道廩生城陷時其父貢生之楨新故與繼母吳氏撫柩
大哭又恐賊毀柩遂積薪柩前舉火焚屋母子同殉

張枏齡狄道人舉咸豐元年 制科同治二年六月城圍告急枏
齡於深夜縋城出赴省請援比聞城陷即投効提督雷正綰營後
與賊遇手刃數賊陷於陣死之其妻袁氏子守浩守謨媳褚氏李
氏皆於州城陷時殉難

張雅化廩生馬啟賢庠生俱狄道人城陷雅化與賊巷戰死之啟
賢與弟寶賢亦巷戰死

馬承賢狄道人與兄崇賢巡南城城陷兄弟同巷戰死其妯娌趙
氏王氏子安坐藏經在三橋巷被戕

馬仰賢狄道庠生與兄思賢同充南街甲長約衆守城捐糧助饑城陷被執磔死其妻之妯娌何氏段氏並弟彭娃子言奎女有環均被戕南寺院中

楊發科狄道文章童同治二年城陷率團勇巷戰自辰至午不克死之一門殉難者數十人

師重嚴狄道人同治回亂入伍以功保藍翎把總隨羅進賢攻蓮花城張家川等處保陞守備換花翎隨往華亭救援保都司攻取陳馬家賊巢復管帶振威副前營攻取河州太子寺等處力戰陣亡事 聞優卹如例

趙登選字仲青狄道人同治回亂欲攜家遠遁以母楊氏艱於行令四子及妾避居省垣登選同妻董氏留狄侍養二年母卽世時城閉停柩室中八月城陷賊入室登選撫柩哀懇賊弗許斫於柩

甘肅新通志

卷七十

人物志 忠節一

三

側妻董氏乘間自焚同死者兄登瀛姪效忠

師重文狄道人同治回亂率鄉團戰於鳳臺坪敗績死之越日殮尸目未瞑昇觀至新添鋪柩忽鳴二年新添鋪團勇又敗人民死亡過半

孫學友狄道人猿臂虎軀膂力過人少好拳勇精刀矛擊刺之技回亂率衆禦於鳳臺坪血戰移時持矛衝擊銳不可支賊已遁適木槽溝賊數百躡其尾後隊驚前賊反戈復戰學友矛折遂爲飛石中額羣賊圍刺之立踣衆遂潰死傷者百餘人詳見忠義錄表張勵治字翼臣狄道廩生與其弟附生大治廩生理治相友愛負文名時人呼爲南鄉三君子同治回亂理治乘間得脫餘皆同時被害

宋 榮狄道人同治回亂率鄉團與賊血戰身受矛傷五處死之

何啟璜狄道廩生與其弟附生啟瑞事親甚孝鄉里稱之同治回亂啟璜啟瑞奉母入山行未數日遇賊被害

王培德狄道增生性果敢同治回亂與賊戰刀柄忽折遂遇害

趙新年狄道人同治二年回亂仗劍入伍奮勇立功拔充哨長與賊戰於州西門外有同軍某受重傷將為賊擒新年子身往救均被害並附祀昭忠祠

張喻信字小莊狄道人道光己酉副貢選訓導同治回亂奉委赴洮請調番兵未至喻信先回城已陷遂與武生薛鳳鳴練團圖恢復二年五月賊至督戰陣亡事 聞議卹如例

孫法祖字振先狄道副貢同治回亂辦團練後城陷力戰陣亡事 聞優卹如例

魏模字範如狄道庠生事親以孝聞同治回亂其兄椿官平番

甘肅新通志 卷七十

人物志 忠節一

三

訓導模寄信云吾家世受 國恩城若不守將以身殉後城陷衣

冠罵賊遂遇害家中同死者二十餘人事 聞追贈雲騎尉世職

任熊飛狄道庠生回亂城陷與其兄監生培芝率眾戰亡城頭其妻許氏集家中男女二十餘人自焚死

張傑狄道增生同治回亂同其弟偉僖灼與諸子姪隨官兵往剿殺賊甚夥後城陷與賊相拒城頭繼復巷戰兄弟子姪九人皆軍前殞命其妻楊氏弟妻岳氏劉氏李氏男女三十餘口均於得信後殉節同日殉難者又有堂兄俊儒堂弟佩德伸伸各家男女三十餘口

邊佐清狄道武生同治回亂帶團守西城城陷殺賊數人身受刀傷死之

丁士孝字原伯狄道監生其家五世同居咸豐間旱荒發粟賑濟

鄉里德之同治回亂率團擊賊陣亡

潘玉慶狄道人回亂負祖母逃避遇賊同被害

張椿齡字又樵葆齡弟咸豐壬子舉人應肅州牧張煦聘掌書記適南番叛照以州兵往剿椿齡躍馬從之作詩以誌其功同治初椿齡方應禮部試回亂全家殉難聞耗跣行三千餘里至陝帥營次泣請兵從提督雷正綰習戰事三年十月進次鞏昌西門外剿賊於首陽城克其壘擒賊目數人斬之後出戰甫行三十里許忽賊數千騎掩至以衆寡不敵力戰死營弁聶鎮朝以下從死者數十人事 聞優卹如例

戚有仁狄道人同治回亂練團勇保護鄉村歷三年餘與賊戰輒勝後直抵賊巢團衆忽潰有仁單騎直入殺賊無算卒以力盡被獲碎首剖腹以死

甘肅新通志

卷七十

人物志 忠節一

三

于瑩藻字寶田狄道人道光戊子舉人選敦煌訓導後陞鞏昌府教授同治五年秋賊襲鞏昌夜陷之瑩藻遇賊於街戰死時年六十餘其妻劉氏並子女先在狄城殉難

姬伏信狄道人入伍以功保 記名總兵加奮勇巴圖魯同治元年河回亂伏信先聚丁壯禦賊時人不習兵戰輒敗二年春參將李玉珍在興隆峽召募伏信以衆應之充右營營官解鞏昌圍四年洮州回變隨提督曹克忠前往剿平之五年秋從提督梅開泰進攻米拉溝賊至六年夏始平八月河回米殿成圍蘭州調伏信至圍立解十月同衆軍進次中鋪以圖狄河賊悉衆來迎大破之七年二月又從傅先宗由東峪溝進圖狄道屢戰皆捷賊遁克復狄道三路軍大會規復河州進次太子寺賊死拒密遣悍賊數十股潛渡洮東擾糧道軍乏食退次狄道拒河以守八年從都統善

山寶進次金縣開東路糧道七月甯夏官軍大捷陝賊巨股敗竄
河州取道金縣伏信率隊至東古城遇賊擊卻之賊伏忽起圍重
而遂戰沒將弁陣亡者百餘人事 聞旌卹如例給雲騎尉世襲
罔替

孫良貴狄道人入伍以功歷保都司光緒十二年在貴德廳剿番
陣亡事 聞追卹雲騎尉世職

楊文林字茂堂狄道庠生設帳城中喜讀先儒格言學有心得光
緒乙未回亂攜眷遠避至韓家寨遇害

馬樹德字玉川狄道庠生性剛直負文名光緒二十一年回亂樹
德令眷屬避居他處獨在家守候賊至責以大義賊怒戕之

趙正林狄道人由軍功保千總光緒乙未從剿河州回匪陣亡事
聞追卹雲騎尉世職

甘肅新通志

卷七十

人物志 忠節一

美

包文獻狄道人光緒乙未賊攻松鳴崖山陷文獻負母逃避遇賊
被執賊并殺之

吳得仁狄道人光緒乙未賊攻石岡寨寨內防守一切悉得仁調
度賊來輒以石擊卻之後寨陷被擒大罵不屈賊怒支解之

劉廷賢劉廷學劉育珠劉育德劉育祿劉廣輔劉舉彥劉文芳劉
文貴劉文安劉士奇劉尗娃劉文彪李吉才田有福張六五景竈

早李雙喜王保保孫理神楊福祿喬三台常楊保殷三支黃梅香
楊煥箇黃苟代朱哈頭楊三箇常貨郎常大音常尗音丁章祿吳

得仁高映斗趙福生董四娃楊映彩鄂春花吳桂榮綏世保劉麻
鄉老田成福張福育朱來有鄭丁未王德新魏永花周有林馬羅

漢劉尗仁田福兒汪有福汪跟福汪跟壽汪哈娃陳天祺安老五
邊羊成馬尗儉王進才魏恆邊驢娃陳耄等俱狄道人光緒乙未

回亂殉難

何友道沙泥人同治中河州回亂挈家避居山洞其兄友隆被賊傷友道糾親戚少年十餘人執刃行半途遇賊諸少年潰友道戰死

楊文蔚沙泥太石鋪人家素封有德望河回亂攜族眷避山洞賊來攻輒擊退後圍愈急索文蔚文蔚縋繩下藏利刃於懷甫及地賊虜集欲縛忽血撲滿地首已垂胸賊相顧愕然圍遂解

張振一字鷺洲沙泥廩生同治回亂避居趙家堡賊圍攻甚急振一督衆登障且戰且守時深夜賊由旁處潛登堡陷振一率衆巷戰死全家殉難

石兆德沙泥人豪俠有力入伍充建字後營哨長隨提督傅先宗攻破高家集黑山頭各賊卡聲威大振新路坡之戰先宗中槍而

甘肅新通志

卷七十

人物志 忠節一

三

踏兆德亦戰死事 聞廕卹如例

李彥魁沙泥人少有膂力道光閒武舉同治回亂城失陷彥魁招集難民編立隊伍駐紮山寨溝門訓練備剿其姪國漢係咸豐辛酉武舉幫辦團務與賊戰輒獲勝後省城標兵亂河回乘閒犯省彥魁偕國漢率團禦賊蔣家山戰不利退保谷閒之高窰窰藏數百人賊斷汲道援絕十餘日叔姪俱死家中男女大小殲焉
楊玉祿沙泥人素好勇慷慨尙義鄉人稱服光緒乙未回亂玉祿督衆守堡歷六晝夜賊攻益力玉祿中槍死後堡陷死者數千人
楊 某渭源庠生同治回亂同廩生盛麻督鄉團力戰以賊衆不敵同死於難

侯得明渭源廩生同治三年回亂被執罵賊剜目拔舌死

康 某渭源人年八十餘精醫術有仁德患病者治之立愈遠近

呼爲康神人回亂城破見賊大罵賊殺之季弟錫嘏舉人有直行同時被執亦大罵不屈死

侯爾正渭源監生回亂家人逃匿爾正獨留守不去賊至懸父母影圖庭中肅衣冠再拜自縊

朱建中字子正渭源廩生回亂遇賊賊索財物建中誑至祖墓乃大罵見殺

李邦棟靖遠人官四川成都府遊擊順治十八年征茅蘆山陣亡白應舉靖遠人官廣州水師右營遊擊出沒海濤歷著勞績康熙六年二月應舉同肇慶參將單泰徵巡至三竈洋面見山上列有戰旗應舉同泰徵追賊賊勢猖獗泰徵畏縮退走應舉獨奮勇折衝孤力血戰身無完膚死之其子庠生受采扶櫬歸里

王寵錫字龍章靖遠人廣西提督王永基孫由武舉任乾州千總

甘肅新通志

卷七十

人物志 忠節一

三

出征西藏陣亡

詹廷隆靖遠人乾隆四十九年逆回田五作亂糾合糜子灘回匪脅廷隆爲逆廷隆罵不絕口與其家屬五人俱被慘戮事平蒙

恩卹其子孫

滕樹標字錦帆靖遠 恩貢生成豐九年選授甯夏縣教諭同治二年回變樹標奉委與甯朔縣教諭李銜滋同辦團練時寇警日逼或勸樹標引疾去乃正色曰讀聖賢書所學何事且爲臣死忠分也臨難苟免可乎郡城陷偕銜滋率勇力戰死事 聞優卹如

例

王宏典靖遠人 恩請尉世職歷保藍翎守備署本營千總同治

丙寅逆回陷城宏典奮勇巷戰力竭被執鸞割死時年六十餘

邢肇南肇豐靖遠諸生城陷各具衣冠從容拜別仰藥而死

范呈芳靖遠監生兵部郎中范培之父法部主事范振緒之祖也性誠樸尙氣節同治回亂慨捐多金辦理城防比城陷督勇巷戰被執不屈罵不絕口而死妻李氏執刀刺賊死

苗被浦被澤靖遠人生員苗懷新之二子也兄弟孝友人無閒言城陷之時苦勸其兄遠逃以存宗祀不聽同日服毒死

武生張登榜靖遠人秉性剛勇武藝絕倫同治三年春各鄉團練同往打拉池堵剿精壯之士無不踴躍爭先登榜約其表弟某偕往爲賊所乘我軍敗績團勇二千人強半死之登榜奮勇力戰殺賊無數衆寡不敵遂突出重圍無有當其鋒者忽念其表弟尙在圍中又復衝鋒陷陣恣意出入其氣力已竭遂死於亂賊之手

王正端靖遠人同治回亂正端攜其家人避難於黃石崖及賊攻崖垂破正端抱孫涕泣呼其媳曰汝能全吾孫也當勉爲之否則

甘肅新通志

卷七十

人物志 忠節一

三

亦當自爲計吾力竭矣惟死耳媳泣應曰願從死於地下於是集家人環坐對飲藥訖抱孫膝上自哺之曰王氏之嗣其絕於此乎先是正端有二女其次者適歸甯聞變亦飲毒死

李廷翰靖遠歲貢生東南保甲團練城陷率勇禦賊度勢不能支遂自刎死

吳運德白虎子蘇仲魁並靖遠平灘堡農民同治五年賊攻堡急堡內男丁僅三十餘名賴三人力戰死守擊壞雲梯斃賊百餘後皆中槍而亡然賊氣遂沮引衆而退小堡賴以安全鄉人德之

范萬英楊汝杰王理邦溫福德紀瑞雲王道成皆靖遠義士也同治六年隨金順克復縣城屢立戰功歷保軍功先後出隊陣亡

任永福靖遠勇士也當城陷時寓於城內之觀音堂突有數賊自外入永福暴起擊之連斃二賊餘賊不敢復進連發數槍遂斃其

命

景 某靖遠人年六十餘手執一棍殺賊無算賊句其家百餘四面來攻遂大罵不屈而死優人張某工歌舞善詼諧城陷被執賊素聞其名使之歌許以斷不殺害張援引往事大罵逆賊賊怒斷其手足碎割以死

廩生楊升瀛李家謚監生范璣監生高晟歲貢生任煥文歲貢生李珊例貢生李煥若監生秦國鈞附生任鑑武生張樹梓議敘八品張希文附生李文炯附生李哲監生蘇少春武生王羨薦武舉王正芝附生房鍾泰附生楊得洲監生房萬寶監生高樹德高柱安維誠蕭世瑛劉繼源任傑陳海山楊如膏王蘭張誼劉正有王殿魁王桐蘇詠任生機蘇佑蘇順尹學樊王鎖牢兒楊登第增生徐躋徐振任萬年六品軍功陳善政吳起基李榮李世萬李基李

甘肅新通志

卷七十

人物志 忠節一

罕

大豐六品軍功李炳王宗興王宗德梁利李才忠李福民子張爲鹿李美蹟任得慶張錦展朝清展君召杜正春焦銘李得時增生黑明通七品軍功賈明魁教職雷駿從九楊世有從九房世祥附生余麟附生展麟書從九楊廷義從九楊廷棟楊世有子展君柱武生白受采于起文賈明魁賀登元賀慶師大藏路學典展換換子宋保生宋成憲宋宗聖安如洲安如蓬宋伯壩增生馮昌齡附生馮熙廷廕生王恩溥盧生瀝談述周馬及先盧生芳秦邁祖秦殿祖拔貢馮獻治增生馮獻璞增生馮獻銘石廷芳魏之銘魏建中盧生渭李清秀附生蘇殿甲种生信李永蕤陳邦秀雷永瑞武舉王懷樸武生唐仲清武生張秉彝武生王伯圖議敘六品高培華增生魏英華魏重華滕述馨監生滕述明展翼鳳高培彩杜紹甫展萃清陳尙發滕述烈俱靖遠人城陷殉難

王德溥靖遠奮威將軍進寶九世嫡孫襲一等子爵同治二年署哈密協副將三年新疆回叛哈密當南北衝要賊頻至德溥選精銳數百人出戰七晝夜賊竄去四年五月逆回勾結安集延布魯特衆數萬攻哈密城且築長圍斷樵蘇路二十六日城陷德溥死之母姚氏妻葛氏妾武氏賈氏暨丁僕均集於堂圍以藥簍縱火同死弟恩溥於三年奉總督檄統建威營屯靖遠之五方寺賊將西渡恩溥設伏廣崖溝俟半渡突擊之殺溺無數餘賊據東岸相持數十日四年正月陝逆楊文治馬士彥等率悍黨五六千復至時冰尙凍踏而渡恩溥禦之於黃沙坡戰不利被圍數重恩溥力鬪死勇丁七百人多死之

盧生輝字玉山靖遠庠生家素裕輕財好義叔某早世遺孤幼生輝撫養備至長爲娶婦出貲贖產成其家同治四年九月賊大至生輝不肯去責以大義賊不加害恣意焚掠生輝奮起唾罵賊怒戕之十二年學政許振禕聞其事爲表其廬

甘肅新通志

卷七十

人物志 忠節一

聖

王紀堂靖遠廩生事親以孝聞妻吉氏明敏有識同治元年回變紀堂父生員兆泰饒於財傾貲練鄉勇賊仇之五年三月賊圍縣城紀堂挈眷入山避密洞中洞濱河深廣可容百人會其父戰敗亦奔入賊追至豎雲梯仰攻聲言得圍首王兆泰卽拔隊去衆惶懼紀堂抱父泣吉氏曰事至此救父而活衆非汝不可徒泣何爲紀堂潛服毒出給賊至家取藏金賊擁以行比至家毒發仆地死賊曰此孝子也紀堂出窰時吉氏以袂掩面墜崖死窰獲全其父卒免於難十四日縣城陷時拔貢生高舉督勇力戰死生員賈重城大書焚身盡節四字於門一家九口自焚死從九姚體芳罵賊不屈賊割其舌死前署秦州學正白榆森訓導王玠均闔家死金

縣廩生張敦化寄居靖之北灣賊至被執勸之降不從賊坑殺之
有李進儒者城陷時與妻高氏對縊死又有楊才兒葉家溝人賊
至與妻俱被擄曳令同行不從先殺其妻身首微連猶蠕動羣賊
環觀以爲戲才兒大罵又殺之身首亦蠕蠕而動俄兩屍合賊駭
而去

王世德河州衛人博學多謀以功授臨洮道中軍守備順治五年
逆回米喇印反世德不屈死同時貢生張日興戴守廉生員龍自
霄皆以拒賊被害

杜 綵字鳳山河州人歲貢生乾隆四十六年授南鄭縣訓導未
奉檄遭撒拉逆回之變城陷正衣冠罵賊被害同時守城死者廩
生宋廣文朱文遠附生呂紹文遠在南城樓賊刺之未殊罵愈厲
賊怒焚樓投於火家人驗其齒獲燼骨以瘞守城民人亦多被殺

甘肅新通志

卷七十

人物志 忠節一

聖

而羅爾忠爾孝爾節爾義兄弟四人同時殞命爲最慘

千總徐進寅把總關信郭進梅廣武營把總馬登奎延綏營把總
耿顯定邊營把總祁福循化營外委李忠祥西甯營外委王明俱
河州人均於乾隆間出征金川陣亡

河州營千總朱廷奇外委楊天得徐烈循化營外委劉漢乾俱河
州人均於撒拉之變陣亡

經制馮士信河州人乾隆四十六年撒逆圍河州士信守西城賊
首方議破城屠民士信發大礮擊斃之並殲賊目多名士信亦被
礮轟去屍不獲鄉民之感其德者賊退時於亂屍中檢獲零骨
碎骸瘞之

商州營遊擊郭洪肅州營遊擊陳五輯城守營千總周孝定羌驛
千總馬旺左營把總丁爾麥城守營把總鄭天希提標把總王孝

忠西甯營把總陳祿左營外委鄧宜徐達右營外委秦敬循化營外委陳家順保安營外委魏品魁督標外委金海禮縣外委喬祥鎮標經制李景伯馬天希外委陝有貴俱河州人均於嘉慶初年從征川楚教匪先後陣亡

蕭福祥河州人承固協守備道光六年從征張格爾在喀什噶爾陣亡同時死者有洮岷營千總周瑛把總張宗福臨洮營把總穆陞循化營外委邵澤經制樊啟元王魁金光棟

朱貴河州人由保安營都司隨征江南累功至副將道光二十一年從大學士弈經侍郎文蔚禦英人浙北駐軍慈谿之大寶山王師既敗績英兵自慈谿登岸進攻大寶山貴以扛礮兵四百禦之自辰至未擊斃洋兵四百餘並其酋長巴麥尊我兵隱巖石間無損文蔚營遠隔十餘里貴請援不應英人分兵繞出其後貴腹

甘肅新通志

卷七十

人物志 忠節一

聖

背受敵遂與第三子力戰同日陣亡事 聞勅建專祠 賜忠孝雙全坊額世襲騎都尉一雲騎尉一其第二子在江南陣亡家有五節婦一門義烈近世罕匹

馬永泰河州人官陝西潼關副將征髮逆陣亡事 聞卹廕如例李殿元河州人由守備從征安徽陣亡

賀運昌河州人由中衛協副將從征江南在甯國陣亡同時西國都司陳奉魁千總張秀經制陳林馮福先後在江南瓜州等處陣亡

張奉明河州人循化營參將護洮岷協副將征黑錯番陣亡事 聞卹廕如例

朱共南貴之子由起臺堡守備赴湖北防成咸豐三年進征江南在揚州三叉河陣亡事 聞卹廕如例

郭進成河州人固原提標右營守備咸豐三年從征湖南在長沙城外石馬鋪陣亡事 閱照都司例議卹

崔萬雲河州人護臨洮都司從江甯將軍某擊賊江南浦口陣亡事 聞給雲騎尉世職同時有把總梁成通崔萬陞都司馬興杓

在六合戰歿

黎 梅河州人鎮標右營守備從征江南陣亡

世職馬 楨河州人從征天津靜海陣亡

陳達德河州人咸豐九年逆回馬阿卜都焚掠梁家莊達德率鄉民禦賊被擒以拔舌剜眼死

范如蘭河州貢生咸豐十一年帶勇剿賊戰死起臺溝

蔣得魁河州人署左營守備同治元年回亂與千總郭會景城守營把總郭興英署右營把總石作崢領標兵三百防摺橋十月二

甘肅新通志

卷七十

人物志 忠節一

四

十七日賊眾萬餘渡河攻營自午至申傷賊甚多卒以眾寡不敵皆戰沒事 聞卹廕如例

祁永紳河州增生同治元年回亂被執迫使降不從賊剪其鬚髮為囚狀永紳憤激死

胡明德河州廩生事母孝母沒哀毀幾絕嘗訓子弟曰讀書須向身心體驗否則口耳之學終屬無益同治壬戌秋賊入其村明德衣冠出門責之曰爾等皆朝廷赤子背叛至此天豈容汝乎遂為

賊所戕

杜元吉河州歲貢生督團勇禦賊槍彈貫腦而死

杜良忠河州杜家莊人有勇略同治初回變起良忠約積石關外居民築堡柵十三所併力擊賊後十二堡皆陷惟杜家堡屹然峙立賊累攻不下且大受創造人勸良忠降不可守益力賊遂大集

圍堡良忠督衆以槍礮擊賊旋御旋集會食盡援絕良忠集老幼於樓厝以薪門內設大礮庭左右置藥籠各引藥綫乃蕭衣冠北面再拜俄堡破賊闖入藥火然一家同燼

何 祿河州歲貢生性嚴毅不苟言笑人以長者目之同治元年逆氛起州之大東鄉州城戒嚴士民晝夜守陣日落時城頭輒起黃霧眯人眼對面不相見風颯颯襲人守者股慄無鬪志每夕訛傳賊至民不安枕祿登城遠望見殺氣瀰漫知必不保賦詩見志

詩載

二年十二月州城陷賊擁入祿從容入市遇賊隊至祿厲聲

阿叱賊揮以刃遂被害事 聞議卹如例

張必得河州人西固營都司調署河州右營守備同治元年城陷戰死西城其在城上分段禦賊同時死事者則有左營千總馮仲魁把總王國治外委張清劉均右營千總世襲雲騎尉徐順經制

甘肅新通志

卷七十

人物志 忠節一

聖

劉安雷昇鄧安外委薛尙賢隨營外委陳大忠城守營千總曹楨魏志永把總馮泰劉奉法經制章振得魯向先儘先補用都司李延齡花翎儘先補用守備宋全陳元福在籍新疆頁爾羌都司世襲雲騎尉張陞同治元年以後出兵剿賊守堡禦賊管帶行營團勇力戰捐軀及隨營遇害各員則有右營把總李順左營把總辛梅右營把總魯得禮署右營把總鄭陞左營右哨把總楊殿良城守營經制朱鳳城城守營經制羅占魁會甯營千總楊煦襲雲騎尉郭鳳瑞世襲指揮韓鈞世襲恩騎尉韓昌守備杜蘭千總鄧環都司徐成林千總崔永祿

陳 連河州人祖宗順循化營經制嘉慶七年從征四川教匪陣亡 子雲騎尉世職連承襲隸河州鎮標左營歷署城守左營定羌驛千總同治元年署河州鎮標左營守備十二月逆回圍州城

連督兵守西門力戰卻賊一年九月賊復來攻援絕力盡十月初三日城陷連戰死城上子繼功克左營騎兵執戈衛父偕死母黎氏妻侯氏皆仰藥死右營守備張必得亦河州人同日陣亡王品河州人咸豐間從征江南保藍翎儘先千總因受重傷送原籍調養年餘撤回叛帶土勇三百捍禦得力爲回族所忌同治初八方回匪邀品出城議和百姓阻之品弗聽以十數人往爲賊所害分裂最慘

趙世偉河州書吏同治二年賊陷西城遇害

羅彥和河州人補用遊擊管帶平西後營戰於太子寺隻身陷陣中槍死事聞應卹如例

陳其樂河州甯河人貢生樞長子也少喜讀因貧廢學長習拳勇同治元年家毀於賊其樂與二弟據松鳴巖率團勇擊賊屢勝常

甘肅新通志

卷七十

人物志 忠節一

吳

龔賊輜重賊懼不敢近寨大軍進攻太子寺聞其樂名招之慷慨應募旋各營失利其樂獨殺入重圍奪賊大礮身被重傷與同族陳棟陳梁俱血戰死之

陳其然其樂弟據松鳴巖後應募進剿太子寺軍敗其然獨率數人奮戰不退與弟其要死之

郭陸河州人以右營把總署本營守備同治二年十月二十四日賊襲入西城陞率十餘兵馳馬上西城與其弟外委海血戰死弟湖突出取屍亦中槍斃明年城陷其堂弟軍功順與佩馬兵瑞與福姪永清永安永吉永昌均陣亡

關殿元河州人龔恩騎尉世職方賊陷西城殿元由東北奮力陷陣身負重傷不自知賊既退左右以傷告俯首見血一呼而絕張大順河州人循化營千總在城圍中晝戰夜守奮不顧身城將

陷率兵民登西城與長子軍功得祿次子得全分段禦賊得全稍
卻順叱曰丈夫與城俱碎退何爲於是父子三人同時死之妻劉
氏亦罵賊死

金 玉河州人鎮標右營把總城將陷訣家人曰人生忠義爲重
不可爲賊所擄婦孺皆服毒自盡玉提刀與子廩生居貞登西城
奮力擊賊死之

李逢章河州貢生李懷智父也以城守營經制署把總城陷與其
兄逢亨弟逢祥東城禦賊陣亡事 聞賜卹銀二百兩給雲騎尉
世職

耿 明河州人左營左哨把總同治二年十月賊襲入西城力戰
卻之明年城陷恐賊得火藥遂與右營經制尹大成李自陽焚藥
局赴火而死

甘肅新通志

卷七十

人物志 忠節一

七

宋 科河州人右營把總善大礮發必殪賊城陷科伏礮口自轟
死

胡都司佚其名河州人管帶安西中營與悍賊白彥虎戰於西甯陰
魂溝兵潰獨力殺七賊骸中槍身被入矛被執死之

呂和寅河州人賊入縱火自焚死從死者十餘人同時崔奉良奪
賊刀力鬪死謝尙爵父子自焚

羅某佚其名河州人城陷闔門自焚死者三十餘人

李 明字啟東河州人城陷舉室自焚死同時潘祖洛因逆回逼
令隨教氣憤自縊

州署埽地夫佚其姓名賊入州署夫竊本官冠服坐堂皇怒罵冀誑賊
以脫本官身被十餘創死

姬 藩字屏周河州貢生正直博學邑士多出其門同治二年西

城陷藩執書爲家人講大義積薪中庭與兄岐弟象衣冠坐子庠生雅南侍有受業弟子回民某來救未及言藩見襟底有刀大怒曰汝亦反乎手杖追擊至巷口羣賊大至藩身中數槍而死家人遵其教舉室自焚死者二十四人

楊觀時字仲甫河州貢生學優品端與姬藩謝玉成俱爲士林之望邑士多出其門同治三年城陷舉室自焚

侯鎮遠河州人選用知縣城陷被擄罵賊賊支解之其弟吏目綏遠監生變遠率家丁巷戰死五弟柔遠四川補用知縣帶團勇與其姪庠生俊軍功傑及偉並戰沒南城

謝玉成河州增生博學善誘門多英才城陷赴火死子廩生蒙鐸少年博學篤實君子也南城陣亡事 聞父子並卹贈鹽運司執事銜廕一子入監期滿以縣主簿用

甘肅新通志

卷七十

人物志

忠節一

哭

楊得榮河州廩生尙氣節城陷父母遇害榮與妻子被執榮大罵賊以鐵錘擊其肩且曰不罵則與妻子俱活罵益厲賊卽面前殺其妻子敲得榮筋骨俱碎死最慘烈

楊子才河州監生治家有禮法城陷闔家自焚死同時劉代性性公廉衆舉管文社事城陷舉室自焚死者十八人詳見忠義錄表楊啟俊河州貢生城陷自焚其室衣冠坐以待賊至大罵而死其弟庠生映湖衣冠訣妻子曰請各爲計吾將死矣妻子牽衣哭挽不答賊至自刎而亡

牟仲衡字子權河州庠生有文名城陷與弟仲文扶祖母王氏出哀賊願爲備以活祖母賊弗允將剝衣而殺之仲衡大怒取階甃擊賊槍傷左髀倒地罵益厲賊支解之仲文亦戰死

李毓春字子秀河州貢生著有詩話同治回亂辦理城防城陷衣

冠罵賊死其弟榮春富貴及婦女輩皆自盡長子滋培從征江南
獲獎五品軍功三子成培同治二年八月賊潛夜梯城成培用矛
截賊墮奪回雲梯獎六品軍功城陷俱戰死次子宗培從征循化
白莊塘中槍亡

張鴻儒號豐源河州人入郡庠同治二年逆回圍州城鴻儒偕紳
民登陴固守屢卻賊十二月二十四日賊縱火焚西南城入鴻儒
督衆巷戰城賴以全而圍卒不解七閱月糧盡賊攻益急有議突
圍乞援者衆駭懼鴻儒獨奮然夜縋出抵崔家坡卡賊執鴻儒見
其酋令之降鴻儒陳大義聲琅琅然不聽則攘臂大罵遂遇害時
三年八月二十七日也十一月初三日城陷其三媳趙氏孫錦堂
孫女三俱投井死子協會先赴省請援免於難後成甲戌進士聞
於 朝給雲騎尉世職入祀忠義祠

甘肅新通志

卷七十

人物志 忠節一

完

李光德河州拔貢同治初帶勇出戰身被數創半年始愈城陷及
其子恭均戰死同時殉城者有拔貢郭淮歲貢關永吉關珽楊啟
新汪永貞牟士玉廩生姬松齡李鍾秀徐延年張英王文玉王兆
福楊景呂成順增生張玉齡秦珩劉佩苟鼎新郭鳳義附生鍾文
淵朱謙康建寅汪篤貞王育正唐鑑堂耿文蔚何明金增侯俊李
翰芳杜長春杜景春左霖耿源王毓淑方大魁方掄元方建元孟
楷陳寶謨陳鑑陳寶書田光祖趙瀛趙萬亨陳蕭年周炳文胡鍾
靈楊春發王協華王昱吳貞方合璧何樞何權何桂黃河清王毓
芹祁繼祖馮申居廷勛姬雅南張鈺張鈞樂張應蘭張有華郭鳳
韶魯廷楨魯廷仁魯敦禮左良份生祁守德賀廷傑監生郭春元
馬貴趙廷貴杜添漆陳詮龐寅郭鳳管武生龐守成郭清黃登甲
孟舒秦宋珩馬登科馬傑秦璞楊沛澤楊景春姬錫齡陳應烈苟

景新呂成頌宋朝宗從九楊遇淮姬紹文侯劍章呂麟魯耀先張超趙述姬象張有蘭耿文斗軍功王聘耿法恭侯偉侯傑范其昌陳大升范天祥陳大英王文灼楊順陳祥太蕭富春侯正元馮延元馮嗣忠黃曜劉永吉李逢祥三品封典姬岐方鍾秀七品封典方鍾英鄉飲耆賓陳韶章熙國章應賢朱應友祁興玉陳經順其同治元年至十一年督團剿賊及各鄉堡寨殉難者則有廩生陳文源劉清增生魯榮何其瑞附生康大忠陳彭年党華王協新任俊德唐仲遴王璐劉鴻恩郝希隆武生楊啟莊趙光蘭王琳李沛王耀珍以上俱河州人此外軍民人等均從關略魯泮林河州庠生同治回亂結團防守冰靈寨屢勝賊後賊大至衆欲僞降而遁泮林曰丈夫當死於忠義一日降賊雖得生所失多矣力戰禦賊身受重創而死

甘肅新通志

卷七十

人物志 忠節一

三

陳汝輔河州副貢潤伯父也事親孝其季弟汝琳倜儻有氣節同治回亂聚里民戰守城陷兄弟並戰死身無完膚

王 德河州人以把總充副哨官從征肅州奮勇殺賊中礮死

羅承鼇河州人性剛直能排難解紛城陷不屈死母王氏妻王氏俱赴井死

王國器河州貢生素怯鬪回亂作每戰輒爭先人始服其勇城陷持矛出戰死南城坡身無完膚其弟國才從楚軍征甘州同治七年正月駐軍甘軍堡賊夜至堡將陷國才謀救營官約膽勇者八人與其姪當先殺出賊矛如蝟格鬪額中槍而斃姪逸出葬其屍甘州西門外

王國興河州右營馬兵城將陷一賊先登國興持矛刺之矛折兩手抱賊須臾賊大至興抱賊躍城下俱跌死

曲賦章河州馬兵城將陷歸家拜母曰忠孝不雙全兒將死奈何於是母王氏並寡嫂解氏妻魏氏姪媳丁氏郭氏趙氏俱服毒死賦章掩屍火屋登城力戰死之

魏光祖河州庠生博學多智同治元年聚團守堡數敗賊五年四月賊攻堡急光祖出戰獲勝忽大股賊至堡遂破光祖呼其子炯曰父死義子死孝此其時也父子殺入賊中俱死焉

魏述祖河州人遇賊投崖死妻孔氏被擄罵不絕口賊怒支解之何如陵河州庠生城陷與其子廩生敬武生鈺及敞與燕俱死之魏廷鈞河州人居豐城峴同治五年堡陷其父之彥被害廷鈞奮力決鬪死其嫂被擄罵賊見殺

楊 煦河州人同治六年任會甯營千總會邑當東路衝屢被賊擾煦練兵禦之七年夏逆衆千餘薄城下豎雲梯圍攻煦率民兵

甘肅新通志

卷七十

人物志 忠節一

三

登陴相持五閱月圍始解十二月賊糾黨數千復至城中乏糧煦同署知縣沈文仲以大義激厲士卒率枵腹荷戈弗忍去會食盡援絕八年正月朔天未曙賊蟻附登城煦力竭陣亡事 聞優卹如例

王萬年河州人有膽略咸豐二年由鎮標經制從征江南累遷至副將授花馬池參將同治三年凱旋赴花馬池任時陝回西竄萬年每聞警卽督軍民守八年二月賊大至乘虛撲城闌入者百餘人萬年帶刀韃出率弁兵繞城力戰每發矢輒斃一賊食頃連斃數十人賊拔隊去閱兩月復圍城萬年昕夕籌防窺賊匿處發礮弩擊射之凡四閱月恆露宿壁壘閒數爲士卒裹傷敷藥或至流涕會運道梗日煮粥饌城上兵兵飽城固萬年以勞病猶力疾登陴瀕死不離城守云事 聞優卹如例

郝希賢河州庠生同治九年避難平番賊攻城急東南隅陷希賢短裝執斧與遊擊張大元奮力擊退賊希賢陣亡

楊巨海河州人同治間以軍功保至遊擊光緒乙未回亂帶土勇百餘勇於殺賊七月間與賊鬪州城外挾一悍賊槍與爭仆而復起者再一賊自後來刺死肉幾爲泥

姚福旺河州人乙未之亂團百餘人守閤家堡時出救援他堡保全者衆五月賊大至衆議逃避福旺怒曰死生有定何避爲遂挺身力戰殺數賊而死

張爾榮河州人乙未之亂團士勇六百人守甯河城累戰斬賊首二十餘級爾榮亦身受數創獲獎五品頂戴後創口暴發而卒

王朝傑河州貢生孝友任恤里黨稱之乙未回將叛自焚花寺馬永琳叩門作求救火朝傑往反誣以縱火罪朝傑不服賊支解之

甘肅新通志

卷七十

人物志 忠節一

三

陳克家河州人乙未之亂以軍功從征海城奮勇陷陣手刃數賊中礮而亡

平涼府

晉皇甫重字倫叔安定朝那人性沈果有才用為司空張華所知元康中為秦州刺史重弟商為長沙王父參軍河間王顒遣四郡兵攻之商閒行齋帝手詔使四郡罷兵令重進軍討顒顒捕得商殺之又既敗重猶擊守四郡築土山攻城重輒以連弩射之所在為地窟兵不得近城將士為之死戰後知商為顒所殺無外援遂遇害

張 肅安定烏氏人軌弟實叔父建威將軍以京師危逼請為先鋒討劉曜實以肅年老不許肅曰受晉寵秩剖符列位今國運方艱朝廷有難不奮何以為臣實以軍旅非耆老所堪終不用既而肅聞京師陷遂悲憤而卒

隋皇甫誕字元慮安定烏氏人少剛毅有器局周畢王引為倉曹參

甘肅新通志

卷七十

人物志 忠節一

三

軍隋高祖受禪為兵部侍郎出為魯州刺史復為刑部侍郎俱有能名遷治書侍御史朝臣無不嚴憚上以百姓多流亡命誕為河南道大使以檢括之及還奏事稱旨上甚悅令判大理少卿尋轉尚書左丞時漢王諫為并州總管朝廷盛選僚佐上以誕公方著稱拜并州總管司馬總府政事一以咨之及煬帝徵諫入朝諫發兵作亂誕數諫止不納因流涕曰願王奉詔入朝守臣子之節如更遷延陷身叛逆求為黔首不可得也諫怒囚之及楊素將至諫屯兵清源以拒之諫主簿豆盧毓出誕於獄協謀閉城拒諫諫襲

封宏義公諡曰明

明齊 敏字克魯隆德人為浦江縣主簿高陽土賊作亂敏率兵討之戰歿贈浦江縣知縣立祠曰忠勇廕孫入監

齊 恩字承之敏之孫以祖父廕初授鴻臚寺鳴贊陞河曲知縣有惠政治縣九年考最當陞遷百姓守闕乞留朝廷嘉其治理命光祿寺署蔣琅齎金幣賜之尋陞無爲州同知倭寇叛鈔掠州境恩率弟姪親黨十一人督吏民討之與十一人俱歿於陣事聞贈光祿寺丞廕子入監

楊泰運隆德諸生爲人磊落不羈明末賊陷隆德被執泰運見賊不屈賊叱之跪泰運曰殺卽殺膝不屈遂罵不絕口賊怒斷其舌嚙殺之

楊泰初隆德人性剛介明末貢生授松江府通判去官賊陷隆德泰初率其子諸生善同赴井溺死

張士俊隆德諸生賊陷城士俊與妻齊氏並三子俱赴井死

衛時春華亭人宣城侯穎元孫也崇禎時掌後府事京師陷懷鐵

甘肅新通志

卷七十

人物志 忠節一

七

券闖門十七人皆赴井死

朱傑軒平涼人明末闖逆陷西安西向平涼傑軒知城難保率妻及子女闖家服藥死

孟肖池平涼人工岐黃術明末闖逆陷潼關肖池見賊勢漸近服藥死

平涼馬夫失姓名明末隨驛使逢賊賊殺使留馬夫誑賊至城下大呼賊至賊怒磔之

國朝趙青藜字星乙平涼人累世皆諸生青藜少失恃事父孝旣長苦於學道光乙酉拔貢夙負鄉望郡守邑宰至咸造其闈終介介不事干謁時人以澹臺子羽目之同治元年陝甘逆回煽亂平涼回族尤衆羣情震懾知府田壽增延青藜總防局繕城垣製大礮守具略備時回漢仇殺益甚青藜持論平謂叛者勦之示以義也餘

則撫之覆以仁也宜睦內安外毋狃積怨啟他釁壽增越之俄而大吏賁書東來招撫叛衆盡撤平郡民團自是毀其藩籬回衆益橫十二月叛回引固原賊圍城十旬不解青藜進計遣人突圍乞師總督檄知府和英率數百人至壁山上賊斷其汲軍盡覆援遂絕逆首復率數千人來攻城青藜作書寄子蓉鏡於都門謂郡城危若累卵我臨時自有斟酌幸爾在外趙氏宗祀尙不斬他日收我骨可也二年八月平城陷青藜與子婦等皆赴井死大書於壁曰我與老妻死院井子婦與女死後圍井逾年大軍克平涼蓉鏡奔喪出青藜夫婦及子女屍於井面如生事 聞贈青藜國子監助教給雲騎尉世職眷屬 旌卹如例八年總督左宗棠駐師平涼聞青藜死節狀親至其居見所題壁巋然獨存命工摹勒上石鐫甫竟而壁頽人謂精誠所結云著書見藝文目錄

甘肅新通志

卷七十

人物志 忠節一

十一

李翰華平涼諸生納貲得訓導同治初署安西學正未赴任會逆回變作遂留辦城防已而寇圍城勢危甚翰華等四人詣慶陽乞援或勸其勿往翰華不聽竟縋城出由開道抵慶陽冒險者數次聞者壯之嗣督糧由涇運平涼遇賊劉家廟被掠翰華罵不絕口遂遇害同時殉難者又有貢生朱本成金鑑袁愉任應吉王愷武舉則時萬年王玉馮璋也

廩生辛可薦遂敏功附生張自反耆民朱九一皆華亭人嘉慶初年寇入境四人被裹脅不從俱罵賊死邑人哀之稟官爲立石文廟側以表記

李吉祥華亭人道光元年被寇擒縛拷問鄰佑藏處吉祥備受慘毒終不言遂遇害

王 典華亭廩生品學俱優同治初逆回倡亂典遇賊抗罵不屈

死之

李儉華亭人同治二年率團隨陳都司禦回匪於王家山陣亡
貢生石元蒸潘存樸廩生潘家修柳作棟增生胡生桂附生石元
燾皆華亭人同治六年四月初七日夜登城禦賊城陷元蒸等皆
死之同時死難者又有廩生石元純石圭附生柳作舟武生楊輔
清趙忠監生王大成從九朱昇榮農官薛養性文童馬炳文石屋
團總許祥獵戶王忠張重倉薛士仁曹英蘭尹志劉喜李棟何寬
樊連春民人實萬鵬買愉李潤王棟李永獲等共三十餘人又有
文童柳作楫亦投井死

陳都司某由甘涼帶兵剿賊駐軍華亭同治二年禦回匪於王家
山陣亡土人立廟塑像祀之

何永貴靜甯人署州營千總咸豐中征江甯髮匪陣亡以胞姪俊

甘肅新通志

卷七十

人物志 忠節一

美

爲同黨雲騎尉世職

孔廣運字子山靜甯廩生性警敏長於詩賦與進士趙吳山結社
爲詩友遭回亂家產蕩盡流離顛沛中嘗吟詩自娛或勸入匪幕
廣運拂然後被虜餓死

李毓華字實齋靜甯水洛鎮人積學能文尤工草書道光丁酉中
副車家居講學同治回變所居堡逼近賊巢鄰堡多降賊毓華獨
力抗賊忿甚攻圍益急鄉老勸出降毓華曰汝曹謂我怕死乎人
求生難求死亦大不易旣如此吾復何言遂呼家人取衣冠冠戴
已則拜辭先人似將有所言者而哀不成聲拜起徑行啟門出賊
正蜂至毓華厲聲曰狗賊何爲賊攢矛亂刺以死而堡亦被屠數
日賊去有躍堡牆而逃者往偵之於積屍中見毓華血污遍體整
冠危坐而怒目切齒尤勃勃有生氣焉遂殮之

戴耀先靜甯威戎鎮人同治初回匪倡亂居民懼逃耀先招集團
勇保守威戎鎮州城被圍月餘耀先奮勇來援圍立解後從官軍
討賊每戰爭先竟陣亡城鄉軍民無論識與不識皆痛悼之特於
鎮城樓懸勇寄干城匾額以誌景仰

劉文煥靜甯劉家廟人慷慨有義氣同治初提督曹克忠剿逆回
至秦安之蓮花城文煥隨太僕寺卿柳炯襄辦糧務賞五品軍功
居無何土匪蜂起侯十與巡捕高某爲首踞洛川八陣堡土人趙
佑均兄弟爲散目以文煥不附黨會欲高某誅殺之遂豎旗疾攻
堡聲言將屠滅文煥知其不可支慨然曰殺我能救堡人乎匪曰
汝肯就戮可矣文煥揮衆去乃引繩自縊而出端坐受刃堡終無
恙鄉里至今猶感悼之

陳升年靜甯人同治元年十月同鄉民避回匪於洞中賊誘之降
及出洞殺聲四起鄉民多降者惟升年奮力抗賊以寡不敵衆被
賊戕害眷屬亦罵賊自刎

李卿材字午橋靜甯舉人達之子也爲人精敏強幹同治初逆回
起關隴卿材時在涇州糧臺周顯誠處襄辦軍務大府嘉其功保
同知赴四川候補行至陝西三橋鎮遇賊不屈而死
馬佩錦字晝堂靜甯水洛城人咸豐壬子武舉豪俠好義同治
初回亂作佩錦隨父斯珍練團守堡附近居民皆倚爲保障良莠
鎮被圍斯珍率衆往援衆潰被執佩錦聞之提短刀入賊營斫殺
頗衆力竭亦被執父子罵賊不絕口俱死之事 聞給雲騎尉世
職

孫繼魁靜甯人充本州營兵効力旋中武舉同治初回亂起繼魁
帶兵出征陣亡 予雲騎尉世職

甘肅新通志

卷七十

人物志 忠節一

李式白字又謫靜甯庠生幼失怙長於伯叔母沒廬墓不入內課子姪讀怒欲加責叔母輒來塾領孫去式白婉言怡色待叔母悅而後教之同治初逆回猖獗有小堡衆不敢居式白出貲購火器與衆據守果保全無害酋欲邀入幕率衆臨堡下式白罄家貲饗之賊目曰吾所求者爲人也非爲財也式白守節不屈具衣冠自盡於文昌樓賊目聞之亦傷其志旋率衆去事平衆擬請祀忠節祠不采

文燦鼎靜甯廩生原籍岷州有學行同治初回作亂燦鼎練鄉勇以衛州之西鄙鄰城多陷失賊衆又欲取靜甯城州中偵知大發營兵及各處團勇堵禦於境外燦鼎見賊氣不能忍乃與各路兵民直逼賊陣兵民素不聯屬見賊勢兇猛各奔潰燦鼎止率三百餘人逐戰數十里陷賊伏中身受重傷猶手刃數賊力盡而死三

甘肅新通志

卷七十

人物志 忠節一

三

百人亦遇害

劉校書靜甯人由廩生捐教職同治二年三月回匪圍李家寺堡勢甚急衆逃走校書自焚藥局而亡

馬士魁靜甯回民同治癸亥二月十九日蕭河堡回匪逼城焚殺且索站院北街舊住回民二十二日議定將兩街回民由城上繩出土魁撫膺長歎曰我本良民豈能從賊乎事勢如此不出亦不能獨立遂自縊

蔡登霄靜甯廩生原籍岷州賦性機巧素有德望居乾溝鎮同治元年逆回倡亂乾溝素無軍械火器事出倉卒不及購造登霄刻木爲礮又搜民間鉏耨棘矜之屬勗居民竭力固守登霄日夜巡警多方設備二年十二月賊大至占踞城南高阜下瞰鎮城火礮齊發守堞者力不能支須臾城陷房舍居民焚殺殆盡登霄亦殉

難

溫向鼎靜甯東關人同治二年二月十九日賊臨城向鼎被執縛於高振寨樂樓下罵不絕口賊殺之其父往賊營尋子至高振寨見已死卽大聲叫罵賊又殺之

庠生王春榆監生李遵道皆靜甯人同治二年二月逆回擾州境百姓房屋焚燬殺傷最慘春榆遇賊被害同時殉難者不可勝舉遵道奮勇探賊下郭城取賊首一拔旗一二十二日賊竊入東關倡言須將回民放出州官令其自便下城者十之四五二十三日黎明齊退遵道得免害

從九楊維池庠生楊鳳義楊受環皆靜甯人同治五年逆回擾境逼城維池下城探賊遇賊不屈死鳳義受環亦死之三人與贈太僕卿柳炯同案報部議卹均 予雲騎尉世職

甘肅新通志

卷七十

人物志 忠節一

堯

楊應時靜甯西鄙之回民也聞回亂起日戒家人爲避患計會土回率衆突入村落刦應時從亂應時閉門不納將眷屬從闔門放出逃避然後啟門從容曉以順逆利害賊意未解迫促不已應時始厲詞切責瞋目而視皆爲之裂賊衆以兵強脅應時氣愈慷慨抗罵不屈賊衆相視愕然憤與慚俱竟支解而死燃火焚之遇害甚慘聞者莫不稱歎

柳 炯字鑑堂靜甯人咸豐辛亥舉於鄉癸丑成進士翰林院庶吉士散館改授四川江安知縣在任寬猛交濟卓有政聲厥後藍逆竄入川境炯練民團防禦有功以知府在任候補旋丁內艱回籍時曹克忠剿逆回至秦安之蓮花城聞炯才委辦糧務甚得其力同治五年賊目田監生僞降曹軍不設備行至鴟兒灣逆氛四起兵力不支炯遂遇害事 聞贈太僕寺卿子雲騎尉世職子晉

塤以世職改陝西府經歷署三原縣丞孫鎬承襲

火明黎隆德歲貢同治初回亂作明黎練團拒賊保護堡寨及賊至衆爭迎犒以蓄糧堡中人皆降或以虜所戴白帽加明黎首明黎伏地慟哭遂絕食數日而卒

胡顯德隆德胡家岔人翰林院待詔忠厚公正家巨富不吝施與同治初回亂作練民團衛堡出家貲以濟衆賊至攻擊鄰堡猶賴以安嗣賊攻堡甚急顯德率全家投井而死

董化必隆德人性剛直有勇力由營兵拔補經制咸豐髮逆之亂從軍有功嗣權本營把總篆同治初逆回寇城化必遇敵屢捷至馬家嘴剿賊獲糧而歸同治五年四月初一日黎明城陷化必與弟化固奮擊殺賊無數力竭而亡弟亦罵賊不屈被賊抉目而死張聚秀隆德人同治五年春賊圍城甚急聚秀知不可守謂子璧

甘肅新通志

卷七十

人物志 忠節一

卒

慎修曰城陷余惟死耳汝等去以存宗祀未幾城果陷告其妻曰催二子速逃令勿戀我遂匿身後圍度二子已去乃出閉門端坐賊至罵不絕口遂遇害長媳李氏次媳張氏攜兒女均赴後院井中死

張錫貞監生隆德人同治九年間知縣蔣某率防勇赴莊浪范家堡救援錫貞隨往勇潰蔣某遇害錫貞向尸哭曰勇丁未死一人而官遇害吾何生爲叫罵不屈賊縛於馬尾以去越夕殺之

李仲魁隆德莊浪人咸豐中武舉同治三年四月與弟庠生鍾蓮同侍父疾適回匪擾亂村衆逃避仲魁等因父病不忍離賊忽至俱殉難迨十餘日賊退鄰衆回家探視見一犬守父子三屍屍體俱無恙面如生衆歎爲孝德所感云事 聞廕卹如例

固青珍隆德莊浪庠生性樸誠篤孝友同治三年五月賊至其村

兄弟各逃散育珍因母老不能遠逃遂負母至崖穴潛藏欲俟賊退後進寨賊圍擾四十餘日母每勸之逃育珍泣對曰母在兒何逃移避洞中後月餘與母俱餓死

庠生杜爭暢杜榮峰武生杜士魁皆隆德莊浪人兄弟也俱敦品仗義爲鄉里所矜式同治五年四月賊忽至爭暢集兩弟議曰賊不時來攻堡吾兄弟不能俱留以待斃汝二人遠逃以存宗祀吾死守而已兩弟遵命逃去預於宅中伏火藥堡陷後引火自焚與妻馬氏幼子幼女俱殉難一子一女稍長從火中逃出後七年士魁回家探視賊突至被害榮峰聞信欲至家葬埋屍體行至中途遇賊罵不絕口手執鐵楸砍賊賊怒亦被害事 聞均蒙廕卹如例

李夢蘭隆德莊浪人官陝西典史旋升甯條梁巡檢同治六年六

甘肅新通志

卷七十

人物志 忠節一

空

月泄任七年九月寇大至圍城日夜環攻夢蘭率士卒拒賊十月初八日城陷夢蘭正衣冠慷慨殉難

魏忠義莊浪人鷲勇善戰同治三年新疆回亂忠義辦奇臺團務嗣奉哈密辦事大臣文麟檄募勇出關轉戰安西玉門敦煌及塔爾納沁東山西山等處所向克捷積功保總兵 賜號肅勇巴圖魯統威義軍十二年六月回逆撲沁城忠義往援白逆乘隙攻哈密忠義急引還遇伏瀕於殆文麟疏請褫職 優詔免議十三年正月總督左宗棠以忠義久於新疆習地利稔賊情檄署哈密副將籌防剿無虛日舊創觸發病亟光緒三年二月二十二日卒忠義任艱難冒矢石戰軋身先傷痕遍體文麟雖劾之實倚如左右手事 聞賜卹如例

固原直隸州

漢孫 印高平人文帝十四年官北地都尉時匈奴老上單于以十
四萬騎寇蕭關印力戰死事帝憫之封其子單爲餅侯

宋張 達鎮戎人歷官太師封慶國公金人攻太原達督師力戰死
後其子中孚率部下數千人於軍中尋其骸以歸禮葬之

明陳 宣固原人官百戶正統三年隨駕北征陣亡優卹之

高 智固原人官百戶天順五年禦虜陣亡賜卹加優

陳 鍾固原人蘭州衛左所正千戶成化初滿俊叛鍾以都督項
忠檄治軍事進兵石城堡臨陣呼副千戶李旺盡力報國圍攻卡
隘忍飢臨前敵者數日奮擊戰死優卹如例

李 旺固原人副千戶與陳鍾討滿俊於石城被創而死今州北
有李旺堡或爲屯兵處因以得名也

甘肅新通志

卷七十

人物志 忠節一

奎

申 澄固原人官都指揮爲涼州毛忠部將成化初討滿俊率衛
軍捕流賊戰於城下力竭死之

高 鳳百戶智子也嘉靖間以原任都司領兵禦虜戰沒加陞指
揮僉事世襲其職

陳 源指揮琮子也嘉靖間禦虜陣亡世宗以其累代盡忠加指
揮僉事廕襲優隆

賀守義固原衛人副千戶萬曆十八年禦敵朱家山奮勇酣戰冒
矢石死卹典優加

張良賢固原州人萬曆戊戌武進士官四川遊擊平播逆力戰沒
廕世襲副千戶

李芳李如玉劉子都魏承勛李國騎何天衢賀守王官等均固原
標弁隨總兵官劉承嗣討賊於蘭州衛迭勝迭挫承嗣敗芳等入

人俱戰死立祠祀之

國朝孫世祿字寵吾固原人康熙初以行伍從征湖南茅麓山匪山有險徑諸將莫敢進世祿先數日作樵夫狀繞後山探路匪不識比歸大營卽指陳破敵策以前敵自任旣列隊連奪卡隘匪已轍亂旗靡世祿窮追之忍飢力戰者三日匪伏忽發世祿中礮殉於陣軍中咸爲隕涕事 聞賜卹如例子繼宗官提督

郝全善固原提標前營遊擊從奮威將軍王進寶討吳逆戰於永甯被執堅不從逆絕食六日而死

文 理固原人以行伍游陞守備雍正七年調征巴里坤身臨前敵力奪賊卡忽槍中胸膈猶挺矛決戰越日傷發卒 賜卹如例

楊殿原固原人乾隆二十四年以把總隨征陝甘回匪中矛傷死於難 賜恩騎尉世職今軍功楊葆瑞卽其後裔

甘肅新通志

卷七十

人物志 忠節一

奎

楊文興固原人嘉慶初以馬兵拔經制調征陝西白河土匪進剿湖北龍潭寺雙溝兒張家集湖南馬頭山平龍岡滾泥坡等處有功嗣於陝西南山擒獲巨酋楊開甲張漢潮等甘肅雞心梁牛蹠灣諸役功尤多陞山西石樓營把總加都司銜復調征陝西南山擒苟文明後歿於陣 賜卹如例

吳亨佑固原人道光中官宜君營參將加副將銜張格爾之變奉調出征屢戰有功洊升總兵英吉沙爾被圍亨佑冒險突戰矛刺巨酋忽馬仆亨佑舍馬步戰力竭沒於陣事 聞賜卹雲騎尉世職子元直襲官守備

吳喜原固原人道光壬辰武舉署提標千總張格爾之役隨亨佑出征同殉於英吉沙爾事 聞賜卹如例同時有宣德者以經制調征關外沒於陣

梁才固原人以武童拔經制道光中奉調葉爾羌防次賊匪來撲手銃轟擊賊潰才乘馬窮追一日行三百餘里忽氣壅胸膈聞咯血卒事 聞賜卹如例

馬騰龍固原人以行伍歷保遊擊咸豐初調征江南有功旋以湖北武昌被圍騰龍赴前敵鏖戰三日忽礮中額顱以殉時固標八營汛守備單永福亦同陷於陣事 聞均賜卹如例

惠通張鳳麟俱固原人咸豐初通以經制從征江南力戰死鳳麟官秦安營千總調征山東捻匪戰於濟甯東鄉矛貫後肋死之

袁 崔固原人道光甲午武舉官渭南汛把總咸豐二年調征湖南長沙石馬鋪奮勇奪隘中礮陣亡事 聞賜卹雲騎尉世職子

登榜承襲

錢邦彥固原人補中營把總咸豐四年調征湖北髮逆並剿山東

甘肅新通志

卷七十

人物志 忠節一

奇

捻匪屢著奇功後殉難於黃岡防次族人千總錢開魁亦同時殉焉

侯 緒固原人咸豐中官下馬關守備奉調出征管帶靖遠營進剿髮逆於金陵有功復移隊安徽防堵土匪廬州之役稱奇勝尋戰於舒城身中礮傷四處沒於陣事 聞賜卹如例同郡朱良陞咸豐初亦以經制調征長沙殉於難

吳得雲固原人以武童入標拔經制咸豐三年調征山東髮逆轉戰江南湖北武昌陝西商州等處以功拔咸陽汛把總同治初剿渭南涇陽平涼回匪爲總督左宗棠所倚重擢靜甯營千總保花翎都司提督雷正綰檄帶步隊攻金積堡賊巢設雲梯憑牆而上飛石中額死妻梁氏固原城陷投井以殉事 聞賜雲騎尉世職子國士官千總

王廷華固原人同治初以武童隨提督雷正瑄進攻董志原截堵長武竄賊有功領精選哨隊拔靖遠營經制嗣以護運糧芻行至陝西峽口遇賊隻身挺刃斫數賊賊忿戕之事 聞賜卹如例時同殉者孫兆麟王謨劉光義趙忠諸人
楊成喜固原人同治初拔入營汎經制逆回襲州城遂擾掠村寨成喜率眾登入營陣固守賊麇聚相持數日糧盡眾解成喜被執罵不絕口賊支解之

鄭玉瑄固原廩生同治初回亂與弟玉琚玉珩合力出資練團賊掠村里玉瑄等率團丁出戰殉於難事 聞賜雲騎尉世職並附祀昭忠祠

徐吉固原人署平涼營千總同治初回亂城陷與其子弟竭力巷戰以殉事 聞賜卹如例

甘肅新通志

卷七十

人物志 忠節一

三

房肯構固原廩生居湖霽電堡同治初回亂肯構出糧石辦團練賊數來攻堡未下旋以土匪陝回合力來撲堡破被執誘降罵不絕口賊怒寸磔之全家殉難事 聞賜卹如例

倪萬海家玉鐸固原人同治初萬海以把總調征陝西戰死於寶雞縣南城下玉鐸世襲雲騎尉二年回亂沒於陣

徐光固原人監生士育子遊擊明之兄也光有膂力精拳技同治初回亂明從征於外光侍士育城陷賊來撲光手斃數賊一賊回矛刺士育死光乃棄械撫父屍痛哭血流皆裂賊縛而支解之子步陞中光緒癸卯副榜

保德玉固原保家溝人性慷慨好施鄉鄰有借貸者悉予之同治初回亂德玉出貲練團勇五百人禦賊後被執去賊給以餅德玉厲聲曰若啖賊一飯何以見先人於地下遂餓斃

馬義春固原東鄉馬家高莊回民喜讀儒書同治初回亂逆目馬五淹等勸義春同叛義春堅拒之後賊燄日張義春聞馬渠原團總楊子秀練勇挈家往依之嗣子秀戰死勇潰賊益肆乘夜圍義春居數而令之降義春憤罵遂被戕妻王氏手執廚刀子生彪姪生英各持槍矛殺十餘賊力竭皆自刎事 聞議卹如例
陳布周固原西鄉人有膂力同治初回匪犯境布周結鄉民舉團手持南陽刀遇賊來挺身接戰縱橫殺賊賊憚之稱之曰陳大刀後爲逆目馬奇所戕

王成龍固原回民同治初逆目某謀叛成龍善言開導逆目不聽成龍約良回十餘人以漢回相保遇貧乏必給米麪賴以生活者衆硝河逆目蘇之麻等在鄉殺掠成龍計誘之來密戕之硝河匪燄漸息後穆三納三踞城聞成龍保全漢民擒殺焉

甘肅新通志

卷七十

人物志 忠節一

奕

李 祥固原人咸豐中官四川德陽縣典史解組歸里日課子弟同治二年正月元旦祥方詣宗祠致祭賊陷城祥正衣冠被戕於祠堂

候選府經歷李廷楹撫甯典史梁廷棟俱固原人同治二年城陷廷楹巷戰死廷棟亦殉於難

朱殿雄固原人靜甯營千總同治元年固原守備二年元旦詣

慶祝宮甫成禮南城逆回猝變殿雄卽赴小校場揮旗集衆應者千餘人親率至西街堵截賊少卻殿雄戰益力衆忽散殿雄拔刀連砍數賊力竭被執賊支解之事 聞賜卹雲騎尉世襲同替同時殉難者則有督標後營守備陳徽猷甯州把總馬泳芝本標外委談榮恩郭林李時清何元潤袁仲選袁宗起劉殿選陶吉慶李涵花郭成珠孫漢馮有祿曹得龍王國元朱忠曹舉伏高進善王

仲福趙勝范進喜武舉張鵬舉軍功馬兵保錦林何玉陳喜龍馮
侏趙和祥王鳳鳴杜茂桂張世功等三十一人詳載忠義錄表
鄭朝毓固原人左營把總署城守營千總同治二年正月元日值
宿南門兵房天未明忽夢驚俄聞門鑰有聲披衣往視守門回兵
妥貴已得逆賂暗啟鎖鑰朝毓至逆回楊達娃子舉木杵碎朝毓
頭腦汁迸出立殉城下母紀氏並其妻子五人均投井死
錢開遂固原人同治二年十月賊據其堡蹂躪日甚開遂抽利刃
潛入賊壘賊不及防乘夜砍數級割巨酋柯太元左耳十指羣賊
驚起拘開遂剖其腹死

錢志祖固原人道光初武舉歷官中營千總西鳳營守備湖南長
沙營守備陞湖北應山營都司咸豐中解組歸田同治二年逆回
陷城志祖短衣長矛奮身巷戰力竭被執大罵不屈遂被害全家
男女殉難子萬德逸出後官龍駒寨千總

劉玉鏞固原人外委署固原州把總同治二年城陷持矛與賊巷
戰手刃數級弟文生玉祺武生玉基均協力助戰忍飢一晝夜衆
寡不敵均死之

關輿量字德涵固原人性慷慨好施予凡立義倉修城郭學校及
賑濟諸事以身任之雖巨萬無吝色同治二年回亂城陷輿量年
七十猶扶杖督子弟巷戰沒於陣

楊選固原西鄉回民同治二年逆酋孫義保踞城誘選同叛選
厲聲數其反叛逆罪義保怒令杖斃之氣將絕忽大呼曰吾雖死
良回也言訖瞑目而死

朱鳳來固原人以馬兵調征喀什噶爾托布拉克防邊有功拔外
委擢秦州營千總同治元年調征髮捻各匪邠州亭口一帶資其

防堵以功陞花翎都司旋克平涼張家川蓮花城固原諸要隘洊升副將四年隨提督雷正瑄攻金積堡拔幟先登手刃回酋十餘級賊以石擲其馬首馬驚逸鳳來短刀步戰一晝夜力竭殉於陣事 聞贈總兵襲騎都尉降恩騎尉罔替給葬銀七百兩十一年復奉 旨賞卹並祭銀十兩入祀京師及本籍昭忠祠史館立傳其子起鴻官單縣營參將加總兵銜同時殉難者劉光學劉光選劉玉昌劉玉傑韓富王俊潘成楊高魏克昌張玉祥余典余琳余瑤韓應龍韓應川延希統湯學正褚丕珍褚丕烈王忠郭芳陳茂元任萬有計守保計守成等二十五人

張永保固原人新疆撫標千總光緒初隨提督董福祥進軍征古牧地瑪納斯等處有功後殉難於伊犁同時死事者外委徐大才傅之模范士兆余萬明邱金榜米大士康玉林李得勝岳保善張

甘肅新通志

卷七十

人物志 忠節一

矣

天福等十人俱固原人事 聞均賜卹如例

苗生有固原人同治十一年從總統湘軍劉錦棠剿西甯回匪駐兵彥才溝賊突至生有隨提督李秀山迎戰敗之越日羊角溝賊復來襲又敗之時逆首白彥虎踞觀音寺恃險固守生有白於秀山曰賊所恃者地利耳若我軍稍移誘彼出營設法創之勝矣秀山然其言是夜即進屯彥才溝口明晨賊果出生有伏兵道左發巨礮擊之敗走揮軍追殺至二十里外斃賊無數遂拔隊進復西甯大通等城湟中肅清尋出關攻古牧地烏魯木齊積功保都司光緒二年九月官軍攻瑪納斯城不下生有以大礮轟其城裂數尺大呼登城各軍繼之適賊擁至槍丸雨集生有冒矢石直前手刃賊目二名忽飛丸貫胸洞背殞於陣事 聞優卹如例

劉顯財固原人光緒二十一年以都司隨提督董福祥征剿河回

分領甘軍正後營步隊以爭渡洮河冒險力竭陷於陣

白應祥固原人光緒中以武童投提督董福祥軍隨征河州屢立戰功福祥嘉其勇敢使任前敵保守備加都司銜二十三年復調入 衛旋陣亡

張進昌固原人少負大志倜儻不羈同治初逆酋孫義保等踞固原城進昌憤然有殺賊之誓時提督董福祥領鄉團約進昌入其隊每戰必斬馘以自豪後福祥督兵關內外進昌馳驅左右率旗奪隘所向無前稱為董營上將積功由守備洊保總兵陞提督喀拉春巴圖魯加一品秩光緒庚子之變領甘軍正後營戰沒於京師都司周克勝亦於是日戰沒

高天發固原人同治中隨董福祥鄉團攻金積堡有功保遊擊光緒二十一年克復河州城陞參將加副將銜後入 衛領武衛中

甘肅新通志

卷七十

人物志 忠節一

充

軍中路左營步隊二十六年沒於陣

張守祥固原人董福祥部將同治中隨福祥征托克遜伊犁東四城等處積功保都司光緒二十一年解河州圍以功升遊擊加副將銜旋入 衛領甘軍副前營駐防京師二十六年沒於陣

王福全張福存俱固原人光緒中隨董福祥征河州福全以功保守備加都司銜福存保都司二十六年復隨福祥入 衛均沒於陣

蘇登榮磧河城監生上達堂弟同治初隸提督曹克忠部下以功保花翎副將與同邑趙萬成押解軍糧行至夏家寨遇巨匪馬才棕率賊剽劫相約截堵追捕數里身被數十創力竭與萬成同殉於難其僕沙五九子瘞其骸亦列於墓側

蘇國寶磧河城人提督家良長子隨父征逆回以功保花翎遊擊

後官鞏昌在伏羌縣郭家楞力戰陣亡

蘇捨而罷提督家良次子同治七年隨父率京營馬隊駐秦州適陝回竄攻徽縣遂舉隊襲追至泥陽鎮捨而罷出入鋒鏑獲勝復窮賊蹤追抵下店子草灘馬足忽蹶賊回矛刺之沒於陣時年二十八同時殉難者張守寅魯家祥二人

田創胡正東張化元牛萬林俱平遠人同治回亂糾合義民擊賊適周文學周彥周可立石乃波等亦糾義民至均敗死有被賊生獲者刳腹而死同戰之田彥禮劉啟庫胡正鈞郝正業賀萬朝馬兆圖張萬吉張萬全劉文儒郝萬儒馬天駟石乃欠孫善己等亦死於陣陳儉汪俊池張國瑞薛文魁趙登瀛被執不屈死之郭文興張尙忠王正法張國吉趙得祥王存林知不能免率其全家投井死二年八月閒下馬關守備把總先奉調出王雨以六品頂戴

甘肅新通志

卷七十

人物志 忠節一

三

攝外委事城陷恐賊奪軍火乃率郭仁段成福登樓舉軍火自焚王大貴平遠回民同治二年春穆生花輩謀陷固原大貴率丁壯千人將援官軍穆生花誘而殺之子銘忠投軍累保提督銜記名總兵勵勇巴圖魯又有白義者石塘嶺回民賊脅之反不從罵賊遇害白鳳彩預旺城回民當預旺城汎把總馬兆元首叛鳳彩伸明大義力勸歸正兆元不從鳳彩絕食旋自縊死

馬 文平遠預望城人同治十一年提督左日昇以宣威三營駐預望城五月令部將朱某由省解饗回預文隨往護饗至黃家渠遇賊數十朱某被害文亦死之

告占榮平遠人果敢有力同治閒隨大軍攻克金積甯靈等城又從官軍進剿西甯屢夷賊壘復西甯城又乘勝復大通城光緒二年大軍剿新疆占榮迭克烏魯木齊瑪納斯逆巢明年進攻吐魯

番剿達坂賊匪頃刻之間斬馘四百有奇賊遠遁率眾追殺奪回軍械馬匹無算旋隨大軍攻克吐魯番城累功擢遊擊 賜卓勇巴圖魯名號光緒六年六月閒舊傷猝發以疾沒於軍事 聞優卹如例

李存貴平遠人補用都司光緒十八年提督雷正瑄委帶達春馬隊保護地方有功二十一年隨征河湟陣亡

王大桂鹽茶廳人習回教同治元年廳屬平遠所逆回馬兆元糾眾叛據堡城團莊回應之推大桂爲首已而悔率其黨以降隨官軍攻克平遠所各堡誅馬兆元二年正月朔固原陷署涼州鎮總兵萬年新時駐鹽茶聞變挾大桂馳剿至李旺堡逆目穆三遣人僞乞撫欲款我師而潛遣悍黨襲之年新懼有詐檄大桂先往說賊賊不從會逆黨攻殺年新穆三勸大桂降大桂曰一誤詎容再

甘肅新通志

卷七十

人物志 忠節一

三

謨乎弗從賊拘留之旋放還大桂返團莊仍集眾拒守二月賊陷鹽茶圍團莊堡破之縛大桂脅降不屈賊眾摘其髭髮幾盡燒鐵烙其膚大桂猶跳躑憤罵遂支解之先是大桂赴固原招撫時從行回眾有六品頂戴楊國福及馬啟瑞周法周文李德壯高文義王成龍王大觀王大福馬自保白奉義李明善海喜明王益相田守鼇王明儒馬天俸等十七人均以抗不附逆被戕鹽茶之陷也原任韓城營經制趙靜延綏鎮標左營經制外委海喜林俱本廳回籍適家居隨眾禦賊被執不屈皆死之事 聞並 旌卹如例 張宗壽鹽茶廳套腦堡人同治元年馬兆元反馬明善應之宗壽練鄉兵萬餘保護縣城並各堡軍威大振後率眾攻賊於張家紅山突入賊營手殺多賊力竭身殉同時死難者宗壽以下鄉兵約數千人

康卿雲鹽茶廳人世襲騎都尉任團總同治二年二月初五日賊入廳城卿雲分布各卡扼險堵禦躬率民團與賊巷戰賊不支適穆三糾大股來援圍復合卿雲戰死城陷其母李氏妻馬氏弟慶雲女如意皆飲毒死

張鳳鳴鹽茶廳武生有膽略充團長同治初固原回亂鳳鳴率團丁千餘赴廳南二百里之萬達川扼險防堵屢破賊時苦賊擾凡各營饋運及商賈馱負皆賴鄉團護之統領吉林馬隊聯某軍乏食遣鳳鳴赴靜甯接運鳳鳴轉戰而前數遇賊擊卻之糧運得無誤由是名益顯三年四月初八日陝回馬正和等竄萬達山鳳鳴督團迎擊戰良久中礮沒其堂姪張文張泰新年有年等同沒於陣

柳仲全鹽茶廳人鹽茶營外委賊圍城督同武舉胡殿甲生員羅

甘肅新通志

卷七十

人物志 忠節一

三

永清及羅士隆劉義馬生壯於同治三年正月初六日率眾禦賊悉死於陣仲全尤善戰賊執而縛之以箭射死

李蓬峰字一山鹽茶廳人官正甯縣訓導同治六年十月甯州逆回竄正甯縣境攻山河鎮時蓬峰以憂解任未行知縣黃某調民團出剿而以城守事委蓬峰及典史彭覺初六日亥刻風大作賊由小徑襲城緣梯潛登比明登者益眾勢不支城陷蓬峰腰中礮子仆地罵賊賊攢矛刺之死於城南妻梁氏女月姑弟蓉峰皆赴井死團首歲貢生于騰輝戰死彭覺亦死之傳見職官事 聞並旌表如例

涇州直隸州

宋劉惟輔涇州人以同州觀察使為熙河副總管金人既得秦州經略使張深遣惟輔將三千騎禦之惟輔留軍熟羊城以千八百騎夜趨新店黎明短兵相接殺傷過當惟輔舞稍刺其先鋒將孛董黑鋒洞胸墜馬死敵為奪氣退深檄隴右都護張巖往追之與曲端期而不至遇伏死惟輔自閒道得歸金人掠熙河惟輔顧熙河尚有積粟急出焚之金人追及執惟輔誘之百方終不言金人怒摔以出惟輔奮首曰死大斬即斬吾頭豈可摔也即閉口不復言而死贈昭化軍節度使官子孫十二人立廟成州號忠烈

明蕭俊涇州人崇禎初年貢生官四川敘州府鹽大使致仕歸養八年流賊掠涇州城陷殉難奉旨旌表

甘肅新通志

卷七十

人物志 忠節一

三

滕婉詞則生汝矣龍曰吾名教正人肯受汝賊奴辱耶碎口裂舌至死弗變

國朝李祿涇州馬兵嘉慶元年九月陣亡湖北陳家河

景美涇州把總咸豐三年六月陣亡河南開封府汜水縣

王朝傑涇州千總咸豐五年從征湖北陣亡隨州城外五里墩

吳某名涇州經制咸豐五年從征湖北陣亡隨州城外五里墩

任生明涇州馬兵咸豐五年陣亡江南六合縣

宋長庚涇州藍翎外委咸豐六年五月陣亡江南瓜州

曹興泰曹興有俱涇州步兵咸豐六年陣亡江南瓜州

趙博學趙元俱涇州馬兵咸豐六年陣亡江南瓜州

牛化武常溶任生桂高維級俱涇州步兵咸豐八年四月陣亡浙

江麗水縣

馮光智涇州馬兵咸豐九年陣亡江南六合縣

張士信崇信龍城鎮回民增生書紳父清潔自好不爲詭隨書紳讀書尤明大義同治元年邑回屢糾入黨士信父子力卻之及賊勢熾謀夜襲城士信聞之以告崇民並協力堵禦賊不得逞益銜之乃潛結平涼華亭各逆賊於十一月初七日集城下圍攻數日城陷士信父子被執罵不絕口賊鬻割之事 聞均議卹如例生員張夢蛟郭仰義廩生劉清廉皆崇信人同治元年十月銅城鎮回民叛殺戮焚燒居民驚慌三人集眾誓曰賊旣據銅城必恃爲巢穴我等與其爲懦夫逃走何如爲國家除殘賊作良民而死耶眾遂感激樂從初擊賊大勝後以眾寡不敵皆陣亡從死者甚眾

楊玉潤崇信銅城鎮人被賊執脅從厲聲罵賊不屈死

甘肅新通志

卷七十

人物志 忠節一

卅

許萬積鎮原人同治元年陝回叛擾關隴各處辦團防鎮原爲入甘門戶萬積充團總十二月二十二日回匪擁至西川張家莊肆焚掠萬積率團堵禦斃賊甚多旋陣亡其同時殉難者增生路漸遙張生芳文章許邦彥俱被執不屈遇害事 聞均議卹如例慕性生鎮原諸生同治二年陝回亂寇氛日逼縣令翟棟梁遣性生督鄉團四百餘名駐縣南五十里平泉鎮時雪家窪一帶竄匪往來性生率團掩捕擒逆首馬六娃等送官梟示附近稍安十月二十八日辰刻陝逆馬正和糾黨萬餘至鎮界性生偕姪武生時子暉督團馳剿斃賊甚夥性生奮臂指揮槍丸中胸陣亡時與暉亦被賊叢刺死事 聞均卹如例

劉泰通鎮原王家寨人距城西南三十里爲金積固原逆匪竄陝必經之道泰通充團長與其副劉家惠率勇截擊屢獲勝賊不敢

犯改由平涼屬之豐草原赴陝同治六年八月賊馬步隊三千餘
赴寨泰通等督衆死守久之援絕糧盡九月九日寨陷泰通等均
中槍死是年十二月初九日賊犯西北鄉甄家村團總甄應璽率
勇三百餘迎敵生縛賊酋海九送官梟首次日賊復來應璽率衆
抵擊死之事 聞均議卹如例

關尙志靈臺廩生同治二年十二月逆回攻城尙志率衆督守日
夜不倦後城陷遂殉難事 聞議卹如例

張自植字培之忠義錄作志湜字篤生靈臺人道光己亥舉於鄉
辛丑成進士官陝西知縣歷任米脂安康略陽等縣著有善政同
治二年解組歸里值回亂被執賊欲降自植自植笑罵不屈賊殺
之事 聞優卹如例

徐應魁靈臺人素有壯志回亂與賊戰傷數賊力竭負重傷死

甘肅新通志

卷七十

人物志 忠節一

七十五

多應科靈臺人有膽略勇力過人率衆殺賊數人力竭死之
薛自林靈臺薛家堡人堡破大罵不屈被賊焚燒死狀最慘
曹興邦靈臺庠生堡破興邦率子持刀砍賊賊並殺之

李如珍靈臺人歲貢回亂團練衛堡屢卻敵七年正月被執大罵
燒死

李雲志靈臺監生回亂帶團禦賊力竭堡破死之

